

# დამოუკიდებელი საქართველო

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

### მ ი ნ ა ა რ ხ ი :

მეთაური—ინტერნაც. და ეროვნებათა საკითხი.  
კარლო ჩხეიძე.  
ვარდანო—ძველი და ახალი, ორივე ერთია.  
—ლი—გ.—საქართველო ციფრებით.  
ვიკ. ნიჭაძე—საქართველ. გეოპოლიტიკისათვის.

საქირბოროტო საკითხი.  
ვლასა მკვლამე—ქართველი ერის სული.  
«დნი» და ეროვნული საკითხი.  
26 მაისი—პარიზში და ბერლინში.  
საბჭოთა რუსეთში და სხვ.

### ინტერნაციონალი და ეროვნებათა საკითხი

სადვილისტური ინტერვენცია—აი რა მოხდინა ინტერნაციონალმა საბჭოთა კავშირის საქმეებში! ჩვენ ვიცით, როგორ დაუხარებლათ ებრძოდა და ებრძვის ინტერნაციონალი, მაგ., სამხედრო ინტერვენციას; ეს გასაგებია. მაგრამ არ იყო მთლათ გასაგებები. რატომ გაუბრძოდა ის იდეურ ინტერვენციას. ინტერნაციონალს არა ერთხელ დაუგმია საჯარო ბოლშევიკური ტერორი და «სოციალისტური» ექსპერიმენტები, ამაში ის არ იჩენდა სიძუნწეს, მხოლოდ, როცა საქმე საბჭოთა მშრომელ მასებისადმი უშუალო მიმართვაზე მიდგებოდა. ის სისტემატიურათ თავს იკავებდა, თითქო ეს, მზგავსათ მთავრობათა, მას საბჭოთა. შინაურ საქმეებში ჩარევად ეჩვენებოდა. რა თქმა უნდა, ბოლშევიკები ასეთ სიფაქიზეს არ იჩენდნ, პირიქით. მთელი მათი მუშაობა მიმართული იყო და არის სწორეთ სხვათა შინაურ საქმეების აფორიაქებისაკენ.

ინტერნაციონალის ეგზეკუტივის მოწოდება კავშირის მუშებისადმი, გასულ მაისს ბერლინიდან, ერთგვარი უარყოფაა აქამომდე გაბატონებულ პრაქტიკისა, და ამით უკვე აღიარებულია ისიც, რომ საბჭოთა რეჟიმი კატასტროფის წინა სდგას. ასეთ ისტორიულ მომენტში არ უნდა გაგვივიკირდეს, რომ ეგზეკუტივი, გარდა მუშებისა, ჩაგრულ ერთ სვებედსაც შეეხს. ესეც მეორე უებარი საბუთი, რომ ეროვნული საკითხი ერთ უმთავრეს მამოძრავებელ ღერძად ქცეულა საბჭოთა კავშირში.

რას გვეუბნება ეგზეკუტივი? ახალს არაფერს, პირველ შეხედვით. ის აღიარებს საბჭოთა კავშირში მოქცეულ ერთ თვითგამორკვევის უფლებას. პრინციპი თვითგამორკვევისა არ ახალია, უუქველათ, ამას თვითონვე ამბობს ეგზეკუტივის რეზოლიუცია. მაგრამ მისი პრაქტიკულათ გამოყენება კავშირის

ერთა სასარგებლოთ პირველათ ხდება—აი რაა ღირსშესანიშნავი.

მერმე რა დროს? როცა რუსის მთელი ემიგრაცია გაშმაგებით ებრძვის არარუს ერთა განმათავისუფლებელ მისწრაფებებს! რასაკვირველია, ნუნანები აქაცაა, როგორც მაგალითათ: რუსის მენშევიკები და ნაწილი ესერებისა სცნობენ სიტყვით პრინციპს, ხოლო საქმით ებრძვიან მას. ან კიდევ მეორე ნუნანი, თითქმის გაბატონებულთ: დიას, არარუს ერებს აქეთ უფლება თვითგამორკვევისა, მაგრამ აუცილებელია რუსის ერსაც ვკითხვოთ, სურს თუ არა მას მათი გაშვება. ესე იგი. ბატონის დაუკითხვათ ყმა ვერ განთავისუფლებათ!

ეგზეკუტივი გადაჭრით უარყოფს ამ ბატონყმურ მეთოდს. თვითგამორკვევის უფლებას ის სცნობს მხოლოდ და მარტო დანტერესებულ, ან უკეთ ჩაგრულ, და არა მჩაგვრელ ერთათვის. რომ არავითარ გაუგებრობას არ კჭონდეს ადგილი, ეგზეკუტივი ადგენს, ჩაგრულმა ერმა თვითონ უნდა გადასწყვიტოს სუვერენულათ, სურს მას ფედერაციაში დარჩენა თუ დამოუკიდებელი არსებობა. ეგზეკუტივი არ ამბობს, რას ემხრობა თვითონ ის—ფედერაციას თუ დამოუკიდებლობას—, ეს თვით ჩაგრულ ერთათ თავისუფლათ გამოთქმულ სურვილისაგან (პლემბისციტი) არის დამოკიდებულია.

ამ რიგათ, ყოველი ორჭოფობა უკუგდებულთა: ინტერნაციონალისათვის საბჭოთა კავშირი არ წარმოადგენს ძველებურ «მთლიან და განუყოფელ რუსეთს», არამედ მრავალ-ერიან კონგლომერატს, რომელიც შეიძლება დანაწილდეს თავათვის ეროვნულ საზღვრებში, და ამით «მეორეთ მოსვლას» არ უნდა ველოდეთ, როგორც რუსებში...

არის გამონაკლისი საერთო წესიდან—ეს საქარ-



თველო და მისი ერი. უკანასკნელმა გაიარა თვითგამორკვევის ეტაპი, მისმა დამფუძნებელმა კრებამ დიდის ზეიმით დამტკიცა 26 მაისის აქტი, აქვს დაწერილი კონსტიტუცია, ცნობილია მრავალ სახელმწიფოთა მიერ და მისი სრულყოფილებიანი საელჩოც რეგულარულად მოქმედებს ერთ-ერთ დიდ სახელმწიფოს დედა-ქალაქში.

ინტერნაციონალიც სწორეთ ასე უყურებს საქართველოს საკითხს, მისმა კონგრესებმა არა ერთხელ მოითხოვეს საქართველოს დაცლა საოკუპაციო ჯარებისაგან, არა ერთხელ დაჰმგმეს სასტიკათ მოსკოვის ძალმომრეობა ქართველ ერის მიმართ. არის ერთი საიუბილეო მანიფესტიც, მის მიერ გამოშვებული, სადაც ნათქვამია: ძველი ინტერნაციონალის დროშაზედ პოლონეთი ეწერა, ახალი ინტერნაციონალის დროშაზედ საქართველო სწერილა.

აქედან სრულიად ბუნებრივი და კანონიერი იყო ჩვენი მოლოდინი, რომ იმ არაჩვეულებრივ მომენტში, როცა კავშირის მუშებს მიმართავს მოწოდებით, ეგზეკუტივი ხაზგასმით აღნიშნავდა რევოლიუციაში საქართველოს განსაკუთრებულ მდგომარეობას. მაგრამ ეს არ მხდა, სამწუხაროთ, თუმცა ამით, თავის თავთ მისახვედრია, წინეთ მიღებულნი დადგენილებანი საქართველოს სასარგებლოთ არ უქმდებიან ფორმალურათ.

ეგზეკუტივი არ სჯერდება მართო პრინციპის აღიარებას, ის ტაქტიკურ დირექტივებსაც აძლევს კავშირში მოქცეულ სოციალისტურ პარტიებს, როგორცაა: გარეშე ძალებს არ დაეყრდნონ, შიგნითაც კონტრ-რევოლიუციურ ძალებს არ დაუკავშირდნ და სს.

მაგრამ რაც გასაკვირია, ეს ის, რომ ეგზეკუტივი კიდევ ვერ განთავისუფლებულა რომანტიზმისაგან და ბოლშევიკურ ვაკანალიას რევოლიუციად სთვლის! თქვენი რევოლიუცია უნდა ვიხსნათ—ეუბნება მისი მოწოდება კავშირის მუშებს. აქედან განსაკუთრებული დირექტივიც ჩაგრულ ერთა სოციალისტურ პარტიებს: თქვენ უნდა ეცადოთ, რუსის სოციალისტურ პარტიებთან ერთათ, დღევანდელი ტერორისტული რეჟიმი, მშვიდობიანი გზით, დემოკრატიულ რეჟიმად გარდაქმნათ.

ამ რიგათ, ეგზეკუტივი ითვისებს რუსის მენშევიკების ტაქტიკას: შორს რევოლიუციური მეთოდები! შორს ბოლშევიზმის ძალათ დამხობა!—ეს ხომ კონტრ-რევოლიუცია არისო!

აქედან ერთი უმნიშვნელოვანესი დასკვნაც, რომელსაც ეგზეკუტივი აკეთებს ჩაგრულ ერთა შესახებ: «მხოლოდ დემოკრატიისა და მშვიდობიანობის ატმოსფეროში შეუძლიათ ამ ერებს ფაქტიურათ, უომრათ, უკონტრ-რევოლიუციოთ განახორციელონ თვითგამორკვევის უფლება, რომელსაც ინტერნაციონალი გადაპრით აღიარებს მათთვის». ესე იგი, უნდა იცადონ, სანამ დემოკრატია არ დამკვიდრდება!

გამოდის. ეგზეკუტივი თითქო წარსულისკენ გვანედებს, ცარისტულ რეჟიმისკენ: ჯერ დემოკრატია, შემდეგ ეროვნული თავისუფლებაო, და არ ფიქრობს, რომ ერთიცა და მეორეც მხოლოდ რეჟიმის დამსხვრევის პროცესიდან შეიძლება გამოტყდეს. აქი ვეტოა დადებული. როგორც დაენახეთ, არა დამსხვრევით, არა რევოლიუციით, არამედ ევოლიუციით. ეგზეკუტივი ვერ ხედავს, რომ ის, რაც რუსებისთვის დემოკრატიაა, არარუსებისთვის ეროვნული თავისუფლებაა, რაცა, ჩვენი კონსტიტუციით, იგივე დემოკრატიული რესპუბლიკაა.

მერე არიან რუსის სოციალისტები მზათ იცნონ წინასწარ ჩვენი ქვეყნის დამოუკიდებლობა? არა! ისინი რევოლიუციურ მეთოდებსაც უკუაგდებენ. მაშ როგორ გნებავთ შეუთანხმდენ მათ ჩვენი სოციალისტები, რომელთა არც სადღეისო მიზანს და არც საშუალებას ისინი არ სცნობენ? ან შეიძლება მაშინ დაგვართოს რუსის დემოკრატია ნება გამოვეყოთ, როცა ხელისუფლებას დაეპატრონება? დღეს არაფერი აქვთ ხელთ და უარს გვეუბნებიან, სადაა გარანტია, რომ გაბატონებისას დაგვითმობენ?

მაგრამ განა ვინ სთქვა, ან უკეთ—ვინ დამტკიცა, რომ ბოლშევიზმს უთოთო დემოკრატია მოაპყვება? ერთად ერთი საშუალება, რომ რამდენათმე მაინც გამხდარიყო ეს შესაძლებელი—რევოლიუციური ბრძოლა—, გადაპრით უარყოფილია.

რალა გავაგრძელოთ, ეგზეკუტივი გვიბადებს მთელ რიგს კითხვებისას და თვითონ არც ერთზე არ უბასუხებს. ის შიშობს, რომ რევოლიუცია შეიარაღებულ ჩარევას გამოიწვევს გარედან და ეს კი ახალი ომის დასაწყისი იქნებაო.

ნუ დაივიწყებთ, ინტერნაციონალი ის არაა დღეს, რაც წინეთ იყო: მასში მონაწილეობენ საკუთარ ქვეყნების მართველი პარტიებიც. გუშინ ეს გერმანიის სოციალდემოკრატია იყო, დღეს ინგლისის მუშათა პარტიაა, არ ვიხებთ პატარა ერთა სოციალისტურ პარტიებს. ეგზეკუტივის სხდომებზედ ბერლინში ტრავანისტათ მთავრობის სული ტრიალებდა, და ჩვენ ვიცით, როგორია ეს მოსკოვის მიმართ...

მაშ ნუ ვაკვიკვირდება ინტერნაციონალის ბორძიკი და აზრთა წინაამდევობა. ისიც საქმარისია, რომ ის ჩაერია საბჭოთა საქმერში, ვადისროლა თავისუფლების ღოზუნგები, იცნო ჩაგრულ ერთა უფლება, და რა ნაყოფი გამოვა აქედან, მასზე როდია დამოკიდებული. საბჭოთა ტირანიის დამხობა მოხდება იმავე წესით, როგორც სხვა ტირანიების—რევოლიუციური წესით, და ამას ისარგებლებენ როგორც მშრომელნი, ისე ერნი.

ინტერნაციონალი იძულებული გახდება პირველ ჩარევას მეორე და მესამე მიაყოლოს, უფრო სწორი, დროის შესაფერი და მკვეთრი. და ვინაიდან მისი გავლენა საერთაშორისო ასპარეზზედ უფრო და უფრო იზრდება, ჩვენი სოციალისტური პარტიები უნდა ცდილობდნ ეს გავლენა საქართველოსაც მოახმარონ.

ქ ა რ ლ ო რ ხ ე ი ძ ე

ოთხი წელიწადი შესრულდა, რაც სამკვდრო-სასიცოცხლო ბრძოლაში ჩაბმულმა ქართველმა ერმა დაკარგა თავისუფლების შეუპოვარი რაინდი, მებრძოლთა რაზმების გამოცდილი გამწრთვნილი და პოლიტიკური ბრძოლის იშვიათი ტრიბუნი—კარლო ჩხეიძე.

დაუქმდა გამოცდილებითა და დაკვირვებით სავსე გამჭრიახი ჭკუა-გონება.

დაიხუტენ თვალები, ბრძოლის ცეცხლს რომ აფრქვევდენ.

დადუმდა მკვეთრი ენა, მტრის გულს რომ სასიკვდილო მახვილივით ხვდებოდა.

მაგრამ მებრძოლ მამულიშვილის აჩრდილი და მტკიცე, ვითნაწრთობი ფოლადი, სული დღესაც

თავს დასტრიალებს განმათავისუფლებელ ბრძოლაში ჩაბმულ თავგანწირულ არწივებს და წამ და უწუმ ჩახტურჩულებს ყურში თავის უკანასკნელ ანდერძს: «საქმეს მოუარეთ!»

ქართველო, ქუდი მოხდა ამ დიდი ბელადის გახსენებაზე და გულის სიღრმეში ჩაიმარხე შეურყეველ იმედით აღსავსე მისი სიტყვები, სისხლში ამოვლებულმა მისმა კალამმა უკანასკნელათ რომ ამოქარგა:

«მტერი მიმხვდარია, რომ ქართველი ხალხის სამუდამოთ დამორჩილება შეუძლებელია; რომ ხალხის ძალა ბრძოლისთვის დაუშრეტელია; რომ საქართველო დაბოლოსაც არი უნდა გახდეს თავისუფალი და დამოუკიდებელი»...

ძველი და ახალი, ორივე ერთნაირი

არც ისე ძველი ამბავია! ბევრს თვითონ ახსოვს ალბათ...

წარსული საუკუნის უკანასკნელ მეოთხედში რუსეთის მთავრობას განსაკუთრებული ძლიერი იერიშები მიჰქონდა ქართული ენის წინააღმდეგ. ქართულ ენას დაუწყეს ბრძოლა, იგი განდევნეს სასწავლებლიდან. იგი იდევნებოდა ეკლესიიდან. ქართველმა საზოგადოებამ დიდი ბრძოლა გადაიხადა ასეთი გამარჯვებელი პოლიტიკის წინააღმდეგ. ეს ეროვნული ბრძოლა ქართული ენის დაცვისათვის დიდ რევოლუციამდე არ შეწყვეტილა. მაგრამ აქ ეროვნული ომის ისტორიას არ მოგახსენებთ, თუმცა იგი მეტად საინტერესო, ძვირფასი და სასახლოა. რუსეთის მთავრობის მიერ წარმოებული გამარჯვებული პოლიტიკა, მეორე მხრივ არის კიდევ საყოფრადღებო. იგი ებრძოდა ქართულ ენას სკოლაში და ეკლესიაში და მმართველობაში, მაგრამ ამას გარდა იგი ებრძოდა ქართულ ენას სამეგრელოში, აფხაზეთში, სვანეთში და აჭარაში.

საერთოდ «მე-70 წლების მიწურულში იმდენად მოიმაგრა ჩვენს საზოგადოებაში ფესვები რუსიფიკაციამ და სწავლის საქმე ამ მხრივ იმდენად გაუარესდა, რომ «ივერია» \*) შენატროდა იმ წესებს, რორომელნიც ათი წლის წინედ იყო ქართულ სკოლებში»...

ამ რუსული პოლიტიკის გამტარებელი იყო იანოვსკი, რომელსაც 1880 წ. სერგი მესხი სწერდა: «ქართველების სურვილი იგივეა, რაც ყველა ხალხების: სჯული და სარწმუნეობა. თქვენი სურვილი-კი დაავიწყათ ქართველებს ქართული ენა»... ქართული ენის მოსპობასთან დაკავშირებული იყო სამეგრელოს და აფხაზეთის ქართველებისაგან ჩამოშორება, რასაც ზოგი ადგილობრივი მკვიდრიც ხელს უწყობდა. 1881 წელს ახალსენაკის «დეპუტატებმა» გაზეთ «კავკაზში» მოათავსეს წერილი, სადაც ამტკიცებდენ.

რომ მეგრელები თხოულობენ მათ შვილებს რუსულა ენა ასწავლონ სკოლაში მიღების პირველ დღიდანვე. ეს იყო რუსული პოლიტიკის გამტარებელთა და რუსეთის მთავრობის აგენტთა მუშაობა. სამოსწავლო დირექტორმა ლევიციმ სკოლებში მუნჯური მეთოდი შემოიღო, ესე იგი რუსულ ენას ასწავლიდენ სკოლებში რუსულისავე ენით, ქართული ენა ბაუშს არ უნდა გაეგონა. 1885 წელს ქუთაისის გუბერნიის სახალხო სკოლების დირექტორმა გამოცხადებულ განკარგულება სამეგრელოს სკოლებში ქართული ენის აკრძალვის შესახებ. «ცირკულიარი ეყრდნობოდა 1881 წლის სამოსწავლო გეგმას, რომლის მიხედვით რუსული ენის სწავლება უნდა წარმოებულყო ადგილობრივ ენის საშვალებით. ცირკულიარი ამტკიცებდა, რომ სამეგრელოში ადგილობრივი ენა არის მეგრული და რუსული ენის სწავლებაც, თუ ის არ იწარმოებს მუნჯური მეთოდით, უნდა სწარმოებდეს მეგრული ენის საშვალებითო. ამასთანავე ქართული ენის მაგიერ უნდა ისწავლებოდეს მეგრული ენა, ქართულ ენას ადგილი არ უნდა ექნეს მეგრულ სკოლებშიო. მეგრულ ენისათვის შეიძლება შემოღებულ იქნეს რუსული ანბანიო».

რუსეთის თვითმპყრობელობის აგენტები ჰქადაგებდენ, რომ მეგრელები ცალკე ერი, სხვა ერი არის, მათ უნდა ჰქონდეს თავისი მწერლობა, თავის საკუთარ მეგრულ ენაზე წირვალოცვა, მაგრამ ვინაიდან ცალკე მეგრული ანბანი არ არსებობს, ამიტომ «დაეხმარენ» მეგრელებს და რუსული ასოებით მეგრული ანბანი შეადგინეს. მეგრული ანბანის პირველი შემადგენელი იყო ცნობილი აფერისტი და ქულიკი აშორდია. მან მთავრობის დავალებით 1881 წელს რუსული ანბანით მეგრული ანბანი გააკეთა. 1892 წელს ლევიციმ შეადგინა სახელმძღვანელო, რომელშიაც რუსული ტექსტი მეგრულად იყო ნათარგმნი აშორდიას ანბანებით. ამ საქმეს მიეშველა სამეცნიერო აკადემიაც, რომელმაც მთავრობის დავალებით მეგრული ანბანი გამოიმუშავა, და ეს ანბანი იგივე რუსუ-

\*) ილია ჭავჭავაძის ორგანო.



ლი იყო. ამ ახალ ანბანზე გადასთარგმნეს ზოგიერთი ლოცვები.

1893 წელს მზრუნველი სწერდა ეგზარხოსს:—როდესაც სამეგრელოს, სვანეთის და აფხაზეთის სკოლებში სლავიანურ ლოცვებს ასწავლიან, სიტყვები უნდა გადაუთარგმნონ მეგრულად, სვანურად და აფხაზურად. 1904 წელს დეკ. ვოსტორგოვმა საერთოთ სამრევლო სკოლებში აკრძალა ქართული.

აღშფოთდა მთელი მოაზროვნე საქართველო, ჯერ კიდევ ადრე, 1885 წელში, მაშინ ქუთაისის გუბ. თავადაზნაურთა წინმძღოლი დიმიტრი ყიფიანი სწედა მთავარ მართებელს დუნდუკ-კარსაკოვს: «... მოციქულთა დროიდან ქართული ენა იყო საეკლესიო და კულტურული ენა. ამ უამად იქ ახალ კულტურას პნერგავენ—მეგრულ ენას ასწავლიან სხვა ანბანის საშვალეებით. ასე რომ გავყვეთ, შეიძლება შეიქნას ახალი კულტურები აჭარლების, ფშავ-ხევსურებისა, ინგილოებისა, მთიულეთისა და სხვათათვის»...

ქართული პრესა და საზოგადოება ყალყზე იდგა, ბრძოლა გადაიტანეს რუსულ პრესაშიც. ეს ბრძოლა გაგრძელდა წლობით, სანამ 1905 წლის რევოლუციამ არ იფეთქა...

არც მერე გამოსწორებულა საქმე სათანადოთ... რა მიზანი ჰქონდა რუსეთის თვითმპყრობელობას?—ერთად ერთი მიზანი:—დაექსაქსა ქართველი ერი, გადაეგვარებია და მოესპო იგი. თვითმპყრობელობამ ეს ვერ შესძლო, ძველმა რუსეთმა თავის საწადელს ვერ მიახწია. ქართული საზოგადოება შეგნებულად და შეუდრეკელად ებრძოდა ამ გამარუსებელ პოლიტიკას, რომელიც საბოლოოდ დამარცხდა, მაგრამ არა სამუდამოთ. ძველი რუსეთის პოლიტიკის გამგრძელებელი და გამტარებელი ახალი წითელი რუსეთია. იანოვსკის, ლევიცკის, ვოსტორგოვის გზაზე ეხლა ბოლშევიკები არიან შემდგარი. მათ ადადგინეს ძველი პოლიტიკა, გააფართოვეს და გააღრმავეს იგი.

სამწუხაროთ, არ ვიცით, თუ როგორი ბრძოლა განიცადა ამ პოლიტიკამ, რავარ პირობებშია დღეს

ქართული ენა აჭარაში, სვანეთში, აფხაზეთში, სამეგრელოში. ვამიგია, რომ კომუნისტურმა ერთმა ჯგუფმა ამ ერთი-ორი წლის წინად, მოინდომა ქართული ენის გაძევება სამეგრელოდან, რომ საქართველოს კომპარტიის ცენტრალური კომიტეტი ვითომ ებრძოდა ამას. რომ აღნიშნულ კომუნისტურმა ჯგუფმა ტფილისის მოსკოვში უჩივლა და ქართველ კომუნისტებს «იმპერიალისტობა» დასწამა. რა პასუხი მისცა მოსკოვმა, არ ვიცით. ვიცით, მხოლოდ ერთი ფაქტი, რომელიც გაზეთ «კომუნისტში» ამოვიკითხეთ. და ეს არის შემდეგი:

სალამი «ყაზახში გაზეთს»  
ზუგდიდი

«ყაზახში გაზეთის რედაქციას!

სალამი მეგრულ ენაზე პირველ ბეჭდვითი ორგანოს, რომელიც ძალუმად ხელს შეუწყობს მეგრულ ენაზე მოუბარ მუშებისა და გლეხების სწრაფი ტემპით სოციალისტურ მშენებლობას, ქვეყნის ინდუსტრიალიზაციას, სოფლის მეურნეობის კოლექტივიზაციას და მუდამ მოაგონებს მშრომელთა იყონ ფხიზლად და მზათ მუშურ-გლეხური საბჭოთა ხელისუფლების დასაცავად შინაურ და გარეშე კაპიტალისტური და კულაკური ელემენტების ვერავი და მტრული, ფარული ან აშკარა შემოტევისაგან.

კიდევ სალამი და ამ გზაზე გამარჯვება «ყაზახში გაზეთს».

მინა ცხაკაია.

იმას, რასაც ვერ მიაღწია ძველმა რუსეთმა, თითქოს ახორციელებს კომუნისტური რუსეთი. ძველი რუსეთის მიზანი იყო მეგრელების გამოცალკეება და მერე მათი გათქეფვა რუსულ ოკეანეში, თვითმპყრობელ მეფისა, მართლმადიდებლობისა და დიდი რუსეთის გულისათვის, ახალი წითელი რუსეთის მიზანია მეგრელების გამოცალკეება, ქართველი ერის დაქსაქსვა—დაქუცმაცება თავისი უტოპიური «საქმისათვის». ძველი ად ახალი ორივე ერთნაირია.

ბ. ვარდანო.

ს ა ქ ა რ თ ვ ე ლ ო ც ი ფ რ ე ბ ი თ

(ცდა ჩვენი ქვეყნის გრძელვად მკურნელობის მიმდინიებისა)

(გაგრძელება)

16.

იმ სამრეწველო მცენარეთა შორის, რომელთა კულტურა დიდს ყურადღებას უნდა იწვევდეს ჩვენში—ბამბის მოყვანა არის.

ომის წინ ბამბის ნათესობას დათმობილი ჰქონდა საქართველოში 12.000 დესეტ. და მისი მოსავალი 152.000 ფუთს უდრიდა. აქედან საზღვარ გარეთ (მოსკოვსა და ლოდში) 80.000 ფუთი გადიოდა. თითო ფუთის ღირებულობა 12 მანეთი იყო, ასე რომ ამ ექსპორტის ღირებულობა 960.000 მან. უდრიდა (დაფხაზი).

1928-29 წლებში ის ფართობი, სადაც ჩვენში ბამბა მოყავდათ 8951 ჰექტარამდე (8193 დესეტ.) ჩამო-

ვიდა და მზარობრივად ასე იყო იგი დანაწილებული (იხ. ხოზ. ზაკავ. გვ. 96):

მაზრა	დესეტინები
ბორჩალოს	3000
ქუთაისის	1639
ტფილისის	1296
აფხაზეთში	1115
სიღნაღის	537
შორაპნის	234
ზუგდიდის	191
სენაკის	181

ამ დანაწილების შესახებ იგივე უნდა გავიმეოროთ, რაც თამბაქოს შესახებაც ვსთქვი: საქართვე-

ლოს ნიადგი და ჰავა გაცილებით მეტ შესაძლებლობას იძლევა, რომ ბამბის ნათესების ფართობი გადიდებული იყოს და თანაც ჩვენი ქვეყნის სხვა კუთხეებიც იყოს ჩამბული ამ კულტურაში. რათა მოსახლეობის უფრო დიდმა ნაწილმა მიიღოს მონაწილეობა ამ შემოსავლიან მცენარის გაჩენაში.

რომ ეს დებულება სწორია, ამას ის სუთ-წლიანი სასოფლო მეურნეობის გეგმაც გვიჩვენებს, რომელიც ამას წინად იყო გამოქვეყნებული ტფილისის პერიოდულს გამოცემებში.

ამ გეგმის თქმით, გამორკვეულია, «რომ სუთი წლის ბოლოს ახალი არხების გაყვანისა და ბორჩალოს რაიონში არსებული სარწყავი სისტემის რეკონსტრუქციის საშუალებით მიღებული იქნება 48 ათასამდე ჰექტარი სარწყავი მიწები; ეს რაოდენობა მებაშვებობის ცალკე რაიონების შორის ნაწილდება შემდეგნაირად: ბორჩალოში 10.000 ჰექტ., ყარაიაში 20.000, ალაზნის ველზე 7.000 და ელდარში 11.000 ჰექტარი. ამ სივრციდან მიმდინარე სუთ წლედში ბამბის დასათესად შეიძლება გამოყენებულ იქმნეს 30000 ჰექტარი მიწა.»

ასეთია მათი გეგმა. შესძლებენ ამის ასრულებას თუ არა, ამას ახლო მომავალი გვიჩვენებს. ჩვენთვის კი ეს გეგმა იმდენად არის საინტერესო, რამდენადაც იგი იმ საპერსპექტივო გზას გვიჩვენებს, რომელსაც უნდა დაადგეს მომავალში ჩვენებური მებაშვებობა.

მაგრამ ცარიელ ფართობის გაზრდა-გაწევა არ მოასწავებს კიდევ მებაშვებობის აყვავებას. უკანასკნელისათვის სულ პირველად საჭიროა რაციონალური მეურნეობა და მეცნიერულ აგრიკულტურის მოხმარება. ამ მხრივ კი, ბამბის კულტურაშიც, საუბედუროთ, იგივე ჩამორჩენაა. რაც სხვა დარგშიც გვხვდება. აი მცირე ნიმუში ამ ჩამორჩენისა:

მოსავალი ერთს ჰექტარზე (კილოგრამებით)

1928 წელს	( საქართველო )	386.
	( უზბეკსტანი )	980.
1929 წელს	( საქართველო )	399.
	( უზბეკსტანი )	1030.
1930 წელს (განზრახულია)	( საქართველო )	630.
	( უზბეკსტანი )	1150.

სუთწლედის გეგმით ნავარაუდები აქვთ, სუთის წლის ბოლოს, ეს მოსავალი საქართველოში 850 კილომდე მაინც აიყვანონ. მართლა მოვა თუ არა ამოდენა მოსავალი და რა ზომებს ღებულობენ, რომ იგი გამართლდეს, ამას თავის დროზე დავინახავთ. და თუ ეს მხოლოდ ნატვრაა, უნდა ითქვას, რომ ლენინის მოწაფენი ვერც ნატვრაში ყოფილან, მაინც და მაინც, მახვილნი. აი მაგალითად ჩრდ. ამერ. შტატები, — იქ ეს მოსავალი 1924 წელს, თითო ჰექტარზედ, 1800 კილოგრამს უდრიდა.

რა შორს არის ეს მაზედ, რაც ჩვენშია ამჟამად! რაკი სიტყვამ მოიტანა საჭიროდ მიგვანჩია «სუთწლედის» გამო პატარა რამ მოსახრება გავაკეთოთ.

თავისთავად ცხადია: რომ ჩვენ არ გვჯერა, რომ ბოლშევიკურმა მთავრობამ შესძლოს ამ გეგმის შესრულება. სულ პირველად თვით გეგმას გენერალური გადაშინჯვა სჭირია, რომ იგი ჭკუა დამჯდარ ხალხის საქმიანობას ემსგავსებოდეს და არა «კომსო-

მოლიდან» გამოსულ ზოგიერთა პროლეტარულ პოეტების აბდა-უბდა ფანტასტიკას და ბოდვას. მეორეც, — ეს გეგმა თავიდან ბოლომდე უსრულესი ქმნილებაა რომ იყოს, მის განსახორციელებლად საჭიროა დიდი წინასწარი სამზადისი; საჭირო და მომზადებულ სპეციალისტების ყოლასთან ერთად, მოსახლეობაში მატერიალური და კულტურული შესაძლებლობის დაგროვება და რაც ყველაზე უფრო საჭირო: მთავრობა, რომელსაც მთლად მოსახლეობისათვის შესტკივა გული და არა მხოლოდ საკუთარ პარტიისთვის, და მოქალაქენი, რომელთაც ნდობა აქვთ თავისი ეროვნული მთავრობისა. საუბედუროთ, საქართველოში არც ერთი აქ ჩამოთვლილი პირობა აღარ არსებობს. რაც იყო, ის შთანთქმეს ბოლშევიკებმა და რაც გასაკეთებელი იყო, მის მოგვარებას ვერაგულის თავზედ დაცემით და საქართველოს დამოუკიდებლობის მოსპობით, ხელი შეუშალეს!

მიუხედავად ყველა ამისა «სუთწლედის» გეგმას ჩვენ გვერდს ვერ აუხვევთ. ამ გეგმაში ბევრი რამ არის ჩვენთვის საყურადღებო. ნუ დავივიწყებთ, რომ მანამ სანამ იგი გეგმა თავის უკანასკნელ სახეს მიიღებდა, წინასწარი მუშაობა ხდებოდა ჩვენში მომუშავე ყოველგვარ სპეციალისტებისა. მათი საქმიანობა და ამ საქმის სიყვარულით დახარჯული ენერჯია შეუძლებელია უშედეგოთ დარჩეს და აი ყველა ის, რაც ამ დამუშავების უნარს და გეგმით ნაწარმოებ კვლევა-ძიებას შეადგენს, ყველა ეს ძვირფასი მიღწევაა, რომლის გამოყენება საქართველოს საკეთილდღეოდ შესაძლებელიც არის და სავალდებულოც. რა იმათი ბრალია, თუ ის საერთო ჯამი, რომელსაც «სუთწლედი» ჰქვია, დამახინჯება მათი ნამუშევარის, მათი აზრის. ეს საჯარო დამახინჯება მხოლოდ იმას გვაგონებს, რომ მეტის მუყაითობით და მეტის სიფრთხილით ვეძიოთ გეგმაში ის, რაც მის საფუძველს შეადგენს და რაც სწორეთ იმ სპეციალისტების მიერ არის დაგროვილი, რომელნიც, მათდა სასახლოთ, ასეთის ერთგულობით და თავგანწირვით მუშაობენ, ხშირად აუტანელს პირობებში.

როგორც ერთი მაგალითი სპეციალისტების საღი აზრის დამახინჯების, ეს ის «კოლხოზებია», რომელმაც ამოდენა მითქმა-მოთქმა გამოიწვია. კოლექტიურ მეურნეობის იდეის შექმნაში კომუნისტებს, რასაკვირველია, არავითარი დამსახურება არ მიუძღვით. ამისთანა დაჯგუფებების აუცილებლობა და საჭიროება, განსაკუთრებულს პირობებში, დიდი ხანია აღიარებულია ეკონომიურ ლიტერატურაში. მართლაც და იქ, სადაც მიწათმფლობელობა და მიწათსარგებლობა იმ ზომამდეა დაქუცმაცებული და დანაწილებული როგორც ეს საქართველოს პირობებში ხდებოდა და ხდება, იქ რაციონალი და შემოსავლიანი სასოფლო მეურნეობა, დამყარებული მეცნიერულ აგრიკულტურაზედ, შეუძლებელი ხდება გარეშე სოფლის მეურნეთა დაჯგუფებისა. მიუხედავად ქართული ეკონომიური ლიტერატურის სიღარიბისა, არც საქართველოსათვის არის ახალი რამ ამ უბრალო ჭეშმარიტების აღიარებაში. ჩვენ კარგად გვახსოვს ოთხმოცდაათიან წლებში რამდენიმე კრება კავკასიის სასოფლო მეურნეობის საზოგადოე-



ბაში, სადაც ამ კითხვის შესახებ გამოვიდა ერთი ქართველი მომხსენებელი. მოხსენებამ გამოიწვია დიდათ საინტერესო და შინაარსიანი მსჯელობა. ახალი რამ არც მაშინ უთქვამს მომხსენებელს. ახალი შეიძლება ის იყო, რომ საქართველოს იმ დროინდელს პირობებში მაშინ პირველად დაისვა კითხვა სასოფლო მეურნეთა საწარმოო მიზნით დაჯგუფების საჭიროებაზე.

მართალია, იმ დროს ამ დაჯგუფებას «კოლხოზობას» არ ვუწოდებდით; იგი მონათლული იყო ნაკლებ მყვირალა სახელით: «სოფლის მეურნეთა საწარმოო კოოპერაცია», მაგრამ ეს არ ქმნიდა არსებით განსხვავებას. განსხვავება სხვაგან იყო და სწორედ იმაში, რომ აღიარებული იყო წინასწარ კულტურულ მუშაობის საჭიროება, რათა უმტკივნეულოდ მომხდარიყო ამისთანა კოოპერაციების შექმნა.

ჩვენი ქვეყნის სავალალოდ არც მაშინ გააჩნდა ქართველ ერს გულმტკივნეული მთავრობა, რომელიც ითავებდა ამისთანა წინასწარ კულტურულ მუშაობას და ნებას დართავდა ამგვარ საქმიანობას და არც ეხლა ყავს...

მაგრამ დაუბრუნდეთ ჩვენს საგანს.

ისტორიული წყაროების გადმოცემით ვიცით, რომ ბამბის მოყვანა საქართველოში ძველთაგანვე იყო შემოღებული. აი რას გადმოგვცემს ამის შესახებ აგრონომი ერ. მ.—ძე (იხ. გაზ. «კომ.»):

«ბამბას საქართველოში უხსოვარ დროიდან აშენებენ. ამას მოწმობს ვახუშტი და ყველა ძველი მწერლები და მოგზაურები. ბამბა რომ იმერეთშიც მოყავდათ, ეს ნათლად სჩანს იმავე მწერლების ნაწერებიდან და სხვათა შორის იმერეთის მეფის სოლომონ I-ის ელჩის მაქსიმე ქუთათელის მოხსენებიდან; ის მთავრობის მიმართ წარდგენილ 1769 წლის მოხსენებაში მოგვითხრობს, რომ იმერეთში «აბრეშუმი, ბამბა და წმინდა სელი არის იმდენი, რომ ვაჭრებს სხვა ქვეყნებშიც მიაქვთ... მატყლიდან ქსოვილს შალებს, აკეთებდნენ ნაბდეებს, ქუდეებს და სხვა. აბრეშუმის, სელის და ბამბის ძაფებიდან ქსოვენ სხვადასხვა ქსოვილებს (დარაია, ხამი და სხ.) იკერავენ ტანისამოსათ და ხმარობენ ქვეშაგებ-ლეიბებისათვის. ბამბიდან გამზადებულ ქსოვილებს, რომელსაც «ხამის სამოსელს» უძახდნენ, ხმარობდნენ საცვლების, ახალუხების და სხვა ტანსაცმელისათვის. თეთრ ხამს ლურჯად ღებავდნენ და ისე იკერავენ. ლურჯათ შეღებილ ხამს «ლოინი» ერქვა».

ჩვენ თვითონ გვეჩანავს, ჩვენ პატარაობაში, ერთი ამისთანა სამღებრო ქარხანა, ძველთაგან დარჩენილი ერთ პატარა სოფელში. ძველი კაცებისაგან გამიგონია, რომ ის სამღებრო «ჩვენი მეფეების დროიდან არისო»... დადგა შემდეგ ახალი დრო, გაჩნდა ხმელეთზედ თუ ზღვაზედ ორთქლმავალი და სხვა გაუმჯობესებული ტრანსპორტი და უცხო ქვეყნის უფრო რაციონალად მოწყობილმა მრეწველობამ ჩაკლა ჩვენში არსებული პრიმიტიული მექარხნეობა.

მართალია, ასეთი ამბავი მარტო საქართველოს არ მოსვლია; მსგავს პირობებში ბევრი სხვა ქვეყანაც გამხდარა უცხოეთის ყურმეპყრილი ყმა და ერთ დროს სკაც შეჩერებულა საკუთარი ეკონომიური ძაფების

განვითარება, მაგრამ ბოლოს იქ არ შეერივებიან ამისთანა მდგომარეობას, შებრძოლებიან ახლად მოსულ დაბრკოლებებს და შემდეგში საქმე გამოუწოვრებით...

ამ მხრივ ჩვენთვის დიდად საინტერესოა ბამბის სართავ ქარხნების ისტორიის გაცნობა ისეთ პატარა სახელმწიფოში, როგორც პოლანდია.

თვით პოლანდიაში არ მისდევენ ბამბის თესვას, რადგან იქ არ არსებობს ამისათვის საჭირო პირობები. ბამბა ლევანტიდან, ეგვიპტეიდან და ამერიკიდან შემოაქვთ. ბოლო დროს კი, უმთავრესად, თავისი კოლონიებიდან დაიწყეს შემოზიდვა.

მეთვრამეტე საუკუნედან იწყობა იქ ეს ინდუსტრია (მაშინ მცხოვრებთა რიცხვი იქ გაცილებით ნაკლები იყო ვიდრე დღესაა საქართველოში). მან სამი უმთავრესი გზა გაიარა. სულ პირველად რთავდნენ და ქსოვდნენ «ხამს» და სწორედ იმდენს, რამდენიც შინ მოსახმარად იყო სამყოფი. რა თქმა უნდა, იმ დროს ყველა მუშაობა ხელით ხდებოდა. როგორც აღვნიშნეთ კიდევ ბამბა ჯერ უცხოეთიდან მოსდიოდათ. შემდეგში საბაჟო და სატარიფო პოლიტიკის წარმოებით შეამცირეს უცხოეთის ბამბის მოხმარება და მხოლოდ კოლონიიდან იბარებდნენ მას. სწორედ ამ დროს მოხდა სართავ და საქსოვ მანქანების შემოღება, რამაც ისე გააფართოვა იქ წარმოება, რომ იწყეს ქსოვილების ექსპორტი საკუთარ კოლონიებში. აქაც სათანადო საბაჟო პოლიტიკა პრივილეგიურ მდგომარეობაში აყენებდა პოლანდიელ მექარხნეთ. მაგრამ მთავრობამ მალე შენიშნა, რომ ამ საბაჟო პოლიტიკით ძლიერ ვანებიერა ადგილობრივი მრეწველები და ბამბის მთესველნი, რომელნიც აღარ ცდილობდნენ ნაწარმოების გაუმჯობესობას და წარმოების თვით ღირებულების დაკლებას. რომ ეს არა სასურველი მდგომარეობა შეცვლილიყო და თანაც გადავიღებულყოფიყო კონკურენციის ვაწევა ინგლის-საფრანგეთთან, მთავრობამ ჯერ სრულიად განათვისუფლა ბაჟიდან უცხო ქვეყნებიდან შემოსული ბამბა; ამით მექარხნეებს მიეცათ ღონისძიება ერთი ორად აუწიათ რაოდენობა ინდოეთში შეტანილ ქსოვილებისა, რომელიც სწორეთ ინდოელების გემოვნებაზედ კეთდებოდა. ამ პერიოდში ჯერ კიდევ არსებობდა პრივილეგიური საბაჟო პოლიტიკა თვით ქსოვილებზედ და მით მექარხნეებს ძლიერ ადვილად უხდებოდათ უცხოელ მრეწველებზედ გამარჯვება. მესამე პერიოდში მაშინ დადგა, როდესაც მთავრობამ სრულიდობით გაათანაწროა უცხოელ და პოლანდიის ქსოვილებზედ დადებული ბაჟი. მართალია ეს არ მოეწონათ შინაურ მრეწველებს, მაგრამ მთავრობა თავისას არ იშლიდა, რადგან ამნაირ გათანაწოვრებით მას სურდა წაექეხებინა მრეწველნი წარმოების გაუმჯობესებისათვის, რათა უცხო ქვეყნების ბაზარიც მოეძებნათ და ამნაირის ექსპორტით მეტი სარგებლობა მოეტანათ სახელმწიფოთსთვის.

მთავრობის ასეთი პოლიტიკა სრულებით გამარჯვებული გამოდგა და ამ ქამად ბამბის ქსოვილების ექსპორტი საკმაოდ დიდია, როგორც პოლანდიის კოლონიებისკენ, ისე უცხო სახელმწიფოებისაკენაც. აი რა ეტაპები გაიარა ბამბის წარმოებამ: მე-18



საუკუნეში ბამბეულობის ქსოვა ჯერ კიდევ შინამრეწველობაა; მოსახლეობის საქირობათა დასაკმაყოფილებლად ჯერ კიდევ დიდძალი საქონელი შემოდის უცხოეთიდან, რაც მძიმე უღალად აწევდა ეროვნულ ეკონომიკას. შემდეგ პერიოდში ქსოვა მანქანებით ხდება, მაგრამ მოსახლეობამ ჯერ კიდევ არ იცის ყველა ახალი ხერხი ბამბის მოყვანისა და ქსოვისა. სააქციონერო საზოგადოება, რომელიც ამ საქმის სათავეში იდგა, იძულებულია იფიქროს წარმოების გაუმჯობესებისათვის.

იგი პოლანდიის სხვადასხვა კუთხეებში აწესებს საინსტრუქციო სკოლებს. სადაც ახალ ხელობას ასწავლიან: ფაბრიკანტების სკოლებს, პასუხ-მგებელ ხელოსნებს და მუშებს. ამ ზომებმა და მთავრობის ბრძნულმა ეკონომიურმა პოლიტიკამ ასეთი შედეგები მოიტანა:

1908 წელს პოლანდიაში უკვე 64 საქსოვი ქარხანა არსებობდა. უკანასკნელ ტექნიკურ მოთხოვნებთან ყაიდაზედ გაშენებული, სადაც 21.565 მუშა იყო ჩამბული. ბამბეულ ქსოვილების უცხოეთში გატანილის ღირებულება აღემატებოდა შემოტანილის 37 მილიონ ფლორინთ.

მიუხედავად იმისა, რომ პოლანდიას ბამბა გარედან შემოაქვს საქსოვი მრეწველობა იქ შესაძენვად არის გეითარებული. ამ მხრივ საქართველოს მდგომარეობა უკეთეს პირობებშია. რადგან ბამბა შინ მოსდის და არ მოუხდება მისი შორიდან შემოღება. პირველ ხანებში მანც...

ომის წინ ანგარიშობდენ, რომ ბამბის ქსოვილების ნორმა თითო სულზედ იყო 18 მეტრი. დ. აფხაზს მოყავს 1913 წლის ცნობა, საიდანაც ირკვევა, რომ იმ წელს ეს ქსოვილები შემოტანილი იყო საქართველოში სულ 290.000 ფუთი, რაც თითო მცხოვრებზე იძლევა 28,5 არშინს. ჩვენის ფიქრით ეს ნორმა ცოტა გადამეტებულათ უნდა იყოს აღიარებული. იგი დაახლოვებით 20 მეტრს უდრის და ჩვენ არა ვფიქრობთ, რომ საქართველოში არსებობდა პირობები, რომელიც სამყოფათ არ ხდოდა სხვაგან მიღებულ 18 მეტრის ნორმას. ქალაქი ტფილისი ყოველთვის განმანაწილებელ ცენტრს წარმოადგენდა და რაც ჩვენში საქონელი მოდიოდა, ნაწილობრივ გარეთაც გადიოდა, ასე რომ თითო სულზე შიგ საქართველოში ნორმა მკირდებოდა. ჯერ 18 მეტრიანი ნორმაც რომ მივიღოთ, საზღვარგარეთიდან დაგვიკირდებოდა 50 მილიონ მეტრამდე ქსოვილების დაბარება. სინამდვილესთან უფრო ახლო იქნება, თუ ვიანგარიშებთ, რომ მსყიდველობითი ძალა მოსახლეობისა ომისა და რევოლუციის დროს დაკლებულია. ამ ანგარიშით საქართველოს საკუთარი საქირობისათვის სკირდება გარედან შემოტანა 27 მილიონ მეტრამდე ბამბის ქსოვილებისა.

ჩვენი სასოფლო მეურნეობა სრულ შესაძლებლობას იძლევა, ეს საქირობა შინვე იყოს დაკმაყოფილებული, საკუთარ საფეიქრო ინდუსტრიის გაჩენით.

ხუთწლიანი გეგმა ითვალისწინებს საქსოვ ფაბრიკ. და მასთან დაკავშირებულ სხვა საინდუსტრიო დაწესებულებათა აგებას. საუბედუროთ ხელთ არა

გვაქვს დაწვრილებითი ცნობები და ამიტომ ვერ ვიძლევიტ ციფრებითი მასალას. ის მასალა კი, რომელიც ამ ქამად ხელთა გვაქვს. იწვევს შემდეგს მოსაზრებას. პროექტის განმარტებაში ერთ ალაგასკითხულობთ: «როგორც ვიცით, მებამბეობას სამრეწველო მნიშვნელობა აქვს აღმოსავლეთ საქართველოს სარწყავ რაიონებში (ბორჩალო, ყარაია) და მომავალშიც განზრმხულია მისი ფართობის გადიდება იმავე რაიონებში».

ისტორიული წყაროების ჩვენებით ზემოთ დავინახეთ, რომ ჯერ მე-18 საუკუნეში დასავლეთ საქართველოში ბამბა იმდენი მოდიოდა, რომ ვაჭრებს საზღვარგარეთაც გაქონდათ. თუ ეს კულტურა ამ ქამად იქ შემციტებულია, ეს არ უნდა გავხადოთ იმის საბაბათ, რომ მის აღორძინებისათვის აღარ ვიზრუნოთ.

არის კიდევ ერთი მოსაზრება, რომელიც გვავალებს, რომ დასავლეთი საქართველო არ იყოს უყურადღებოთ დატოვებული.

ამ რამდენიმე წლის წინათ პარიზში გამოვიდა ანდრე სიფერიდის წიგნი ამ სათაურით: «L'Angleterre d'aujourd'hui». ეს წიგნი გამოცემულია «სოციალურ მუშეის» თაოსნობით და იგი ეხება ინგლისის ეკონომიურს და პოლიტიკურ ევოლუციას. ავტორი, სხვათა შორის, ეხება ქალ. მანჩესტერს, რომელიც ლანქაშირის გულათ არის წოდებული, იმ ლანქაშირის, რომლის ოცდაათ ქალაქში ამოძრავებულია 56 მილიონი ბამბეულის საქსოვი თითისტარი და 500.000 მუშა ამ საფეიქრო ინდუსტრიაში ჩამბული. თითქმის მთლად ინგლისის საფეიქრო ინდუსტრია სწორედ ლანქაშირშია მოქცეული.

ავტორი ეხება კრთხვას, თუ რატომ აქვს ამ პროვინციას დათმობილი ეს უპირატესობა და ასეთ ახსნას იძლევა:

«ის ბუნებრივი სინოტიე, რომელიც ასე ახასიათებს ლანქაშირს და შესანიშნავად უწყობს ხელს ბამბის ძაფის ამოხვევას და ქსოვას, არის ის ერთადერთი უპირატესობა, რომელიც ამ ადგილებისაკენ იზიდავს და ერთად თავს უყრის მთელს დედამიწის ზურგზედ ყველაზედ უფრო მძლავრ საფეიქრო ინდუსტრიას.»

ჩვენი სამშობლოს სხვადასხვა კუთხე დიდ განსხვავებას და მრავალ ფეროვნობას წარმოადგენს. ჩვენც უნდა მოვნახოთ ჩვენი «ლანქაშირი» და ვგონებთ, რომ იგი სწორედ დასავლეთ საქართველოში უნდა ვეძიოთ. ნუ დაგვაიწყდება, რომ თუ დასაწყისში საფეიქრო ინდუსტრია ჩვენში მხოლოდ შინაურ მოთხოვნილებათა დაკმაყოფილებას ემსახურება. შემდეგში იგი საექსპორტოთაც დაიწყებს მუშაობას—ასე ხდებოდა სხვაგანაც—და ამიტომ არის ღირსი ყურადღების ანდრე სიფერიდის ჩვენება, რომ შესაფერი კლიმატიური პირობები შესამჩნევად უწყობს ხელს საფეიქრო ინდუსტრიის ზრდას. მაგრამ ამ კითხვის საბოლოო გადაწყვეტა უკვე სპეციალისტების საქმეა...

(გაგრძელება იქნება)



### კავკასიის გეოპოლიტიკისათვის

(ბრძოლა ნავთის გამო)

#### I.

«თუმცა ბევრი რამ შეიძლება ქვეყნიერებაზედ ამ სუ-  
თას-გეკხას წელიწადში, მაგრამ ეს მიწის ყელი, რომელსაც  
კავკასიას ეძახიან, რომელიც აზიისა და ევროპის კარად  
ყოფილა უწინ და რომლის დაპყრობისათვის ბევრი სხვა  
და სხვა ხალხის სისხლი დაღვრილა, მანც ისევ კარად  
დარჩა და ხალხთა შორის შეუღლისა და ცილდობის მიზეზად  
იქნება კიდევ».

ილია ჭავჭავაძე, 1879 წ. იანვარი.

#### 1.

იმ ხანებში, როდესაც სამხრეთ რუსეთის ველებ-  
ზე რუსეთის მომავალი იქედებოდა; როცა ბოლშე-  
ვიკებსა და თეთრგვარდიელთა შორის ომი სწარ-  
მოებდა, დენიკინის ჯარი მიადგა კავკასიას იმ კარე-  
ბიდან, საიდანაც მრავალ საუკუნეთა განმავლობაში,  
აზიიდან მოწოლილი ხალხთა ტალღები ეხეთქებო-  
დენ და გამომდინარეობდენ. ხოლმე: იმ კარებში, ჩვე-  
ნი ისტორია რომ დარუბანდის კარებს უწოდებს,  
დენიკინმა დაიწყო აწერბაიჯანისაკენ სვლა, მაგრამ  
დაბოლოს ამჯობინა თავისი გადაუდებელი მიზანი  
აწერბაიჯანის მთავრობასთან მშვიდობიანი მოლა-  
პარაკებით შეესრულება, თუმცა ეს მშვიდობიანი  
მოლაპარაკება იარაღით იყო ნაიძულები. ამ ორ მხა-  
რეთა შორის დადებულ ხელშეკრულების მიხედვით,  
აწერბაიჯანის მთავრობას უნდა ეძლია დენიკინის  
არმიისათვის ნავთის განსაზღვრული ოდნობა, და  
დენიკინი კი თავის მხრივ დაპირდა მას ადერბეიჯა-  
ნის რესპუბლიკის დამოუკიდებლობის აღიარებას.

ამგვარად: აწერბაიჯანის ხალხი ნავთის განსა-  
ზღვრული ოდნობით ყიდულობდა დენიკინისაკენ  
თავის დამოუკიდებლობის ცნობას.

მაგრამ ისტორიულ ბედისწერამ სხვა მოვლენანი  
გამოიწვია: დენიკინი დამარცხდა, ვრანგელის თეთრ-  
გვარდიელთა არმია განადგურებულ იქნა და ბოლ-  
შევიკური არმია მიადგა მთიელთა რესპუბლიკას,  
რომელიც სულ ცოტა ხნის განმავლობაში დაპყრო-  
ბილ იქნა წითელი ჯარების მიერ და იქ საბჭოთა რე-  
ჟიმი დამყარებული.

და ყველაფერი ეს მოხდა წინააღმდეგ იმ პრინცი-  
პისა, რომელიც მოსკოვმა მთელს მსოფლიოს ამცნო  
ბრწყინვალე აღთქმითა და ზეიმით: მან გამოაცხადა  
თვითგამორკვევის უფლება, და მანვე ფეხქვეშ გას-  
თელა ეს თავისი განცხადება.

#### 2.

ბოლშევიკური მთავრობის ოფიციალური განუ-  
თი «ეკონომიჩესკაია ჟინ»-ი, რომლის ფურცელზე  
აღბად არა ერთი წერტილი დაიწერა ხალხთა თავისუ-  
ფლების შესახებ, ერთ ერთ თავის ნომერში სწერდა  
შემდეგს:

«ჩვენი ერთადერთი გამოსავალი გვაქვს: მთელი  
ჩვენი ძალდონით გავამაგროთ ჩვენი წითელი ჯარი  
არა მარტო ცოცხალი ძალებით, არამედ ტექნიკური  
ძალებითაც, რათა რაც შეიძლება მალე მოვიგოთ  
რუსეთისათვის დონეცის ბასეინი და კავკასია, და

ჩვენი ეკონომიური არსებობისათვის ეს აუცილებე-  
ლი წყაროები ჩვენ სახელმწიფოს შემოვფეროთ».

ასე გადაწყვეტილი შეხედულება არსებობდა  
უკვე კავკასიის შესახებ, რომლის «შემოერთებაზე»  
ბოლშევიკური რუსეთი თავიდანვე ფიქრობდა. და  
ეს ფიქრი, და მისი შეხედულებით, მისთვის საჭირო  
ნედლი თუ სხვა მასალათა მიღება, თურმე ქვეყნის  
დაპყრობით ყოფილა აუცილებელი და არა სხვა რა-  
იმე, ეკონომიურ თუ სავაჭრო ხელშეკრულებით.

ყოველ შემთხვევაში: მთიელთა რესპუბლიკა  
დაპყრობილ იქნა.

#### 3.

ცოტა ხნის შემდეგ: იმავე ისტორიული კარე-  
ბით,—დარუბანდის გზით,—ბოლშევიკური ჯარი მო-  
ადგა აწერბაიჯანის რესპუბლიკას, და მისი სატან-  
ტო ქალაქი-ბაქო 1920 წლის, აპრილის 27-ს რუსული  
წითელი ჯარების მიერ დაკავებულ იქნა.

გამოცხადდა აწერბაიჯანის საბჭოთა რესპუბ-  
ლიკა, სხვათა თვალის ასახვევად და მოსატყუებლად,  
მოსკოვმა დაპყრობის-მეორე დღესვე დასდო ხელშე-  
კრულებანი, შეთანხმებანი ამ თავის მიერ შექმნილ  
ტიკინასთან. ეს, რასაკვირველია, იყო მხოლოდ თა-  
მაში, ჩადრ ჩამოფარებული პოლიტიკა, რომელიც  
მალე უნდა დასრულდებოდა, ესე იგი ნილაბი უნდა  
ჩამოხსნილ ყოფილიყო! 1920 წლის 30 სექტემბერს  
სოციალისტურმა რუსეთმა და სოციალისტურმა  
აწერბაიჯანმა დასდვეს სამხედრო-ეკონომიური ხელ-  
შეკრულება, რომელიც შემდეგს შეიცავდა: ორივე  
მხარე აერთიანებდა: 1) სამხედრო ორგანიზაციებს  
და სამხედრო კამანდას, 2) ხელმძღვანელ ეკონომიურ  
ორგანიზაციებსა და საგარეო ვაჭრობას, 3) რკინის-  
გზებს, ფოსტასა და ფინანსებს.

ამავე დღეს მოაწერეს ხელი შეთანხმებას, რომ-  
ლის მიხედვით, აწერბაიჯანის სახელმწიფო ბიუჯე-  
ტი საკანტროლოდ და დასამტკიცებლად მოსკოვის  
კომისართა საბჭოსათვის უნდა წარედგინათ.

უფრო საინტერესოა ამავე დღეს ხელმოწერილი  
შეთანხმება აწერბაიჯანის საგარეო ვაჭრობის შესა-  
ხებ. მაგრამ მე არ მომაქვს აქ ამ შეთანხმების ცალ-  
ცალკე მუხლები, მხოლოდ მისი დამახასიათებელია  
ის მოვლენა, რომ აწერბაიჯანის საგარეო ვაჭრობაც  
ფაქტიურად მოსკოვის ხელში გადავიდა. აქ მოსკოვ-  
მა კატეგორიულად დაადგა ხელი ნავთს და აწერბაი-  
ჯანის ვნეშტორგს სავსებით აუკრძალა ნავთის ვაჭ-  
რობა. ასეთი იყო აწერბაიჯანის სოციალისტური





რესპუბლიკის ბედი, რომელიც მოსკოვის სათამაშოდ გადაიქცა.

ბაქოს დაპყრობისათანავე, ბოლშევიკებმა გამოაცხადეს ნავთიან ადგილთა ნაციონალიზაცია, და მთელი სანავთო მრეწველობა გადავიდა განსაკუთრებულ დაწესებულებების ხელში, რომელსაც ახნევითი დაერქვა. პირველ ხანებში, დაიწყო დიდი კრიზისი ნავთის წარმოებაში, ნავთის ამოღება ელვის სისწრაფით დაეცა, ასე რომ ბაქოს მუშათა, გლეხთა, ჯარისკაცთა და მატროსთა საბჭომ, სასწრაფო ზომების მიღებასთან ერთად, გამოაშუშა მიწოდება, რომელიც მეტად საინტერესო და დამახასიათებელია:

«რამდენადაც მეტი გვაქვს საწვავი მასალა, იმდენად უფრო სწრაფი იქნება გამართვებისაკენ პროლეტარიატის სვლა. საბჭოთა რესპუბლიკისათვის საწვავ მასალათა მიწოდებაში ბაქო და მისი ნავთი არის განსაკუთრებული მნიშვნელობისა, ერთად ერთი თავის გვარი. დონეცის ქვანახშირთან ერთად ბაქოს ნავთი არის მოძრავი ძალა კომუნისტური მსოფლიო რევოლუციისა. ბაქოს მუშები პასუხისმგებელი არიან მსოფლიო პროლეტარიატის წინაშე ნავთის მრეწველობის ბედში, მისი წინსვლისა და დაუყენებელი და მუდმივი მიწოდების საქმეში ამ «შავი სისხლით» საბჭოთა რესპუბლიკებისათვის... რომ ბაქოს ნავთის მრეწველობა ისევე ფეხზე დადგეს, ბაქოს მუშებმა უნდა დასჭიმონ მთელი თავისი ძალა და მთელი თავისი რევოლუციური ხელისუფლება და ენერჯია. ბაქოს მუშებო! მილიონი პროლეტარები მოგჩერებიან თქვენ იმედით, მათ სჭირდებათ ნავთი, ნავთი და კიდევ ნავთი! თქვენ უნდა მისცეთ ეს მას!»

მამასადამე, როგორც ხედავთ, მსოფლიო პროლეტარიატის ინტერესები მოითხოვენ ანერბაიჯანის დაპყრობას, მსოფლიო რევოლუცია მოითხოვდა ანერბაიჯანის ხალხის სისხლში ჩახრებას. სინამდვილეში კი: მოსკოვის ინტერესები, რუსეთის ინტერესები, გაგებული და განმარტებული დამპყრობი იმპერიალისტური თვალსაზრისით.

იმის გულისათვის რომ მოსკოვის ნავთი ჰქონოდა, მოსკოვმა დაიპყრო ანერბაიჯანი; რომ მოსკოვი დამპყრობ იმპერიალისტური პოლიტიკის მწარმოებელი არ ყოფილიყო, რასაკვირველია, მას შეეძლო ნავთის მიღება სხვა გზითაც, საეკონომიკურად.

ბით, მაგრამ ასეთი სამხედრო იმპერიალიზმი, რომელსაც მოსკოვი აწარმოებდა, უმჯობესად სთვლიდა თვით ნავთიან ადგილთა მეპატრონე ქვეყნის დაპყრობას.

4.

რა ცვლილება მოხდა იმ ისტორიული მოვლენით, რომ რუსეთმა ბაქო დაიკავა? ანერბაიჯანი დაიპყრო. ეს საკითხი რომ გამოვარკვიოთ, ერთი წუთით უნდა შევჩერდეთ კავკასიის გეოპოლიტიკის საკითხის შესახებ. მაგრამ სანამ კავკასიის გეოპოლიტიკაზე ვილაპარაკებდეთ, უნდა გავარკვიოთ თვით მცნება გეოპოლიტიკა.

რა არის გეოპოლიტიკა?

გეოპოლიტიკა არის მეცნიერება პოლიტიკურ ცხოვრების ფორმათა შესახებ ბუნებრივ საცხოვრებელ სივრცეში; ეს მეცნიერება სწავლობს ამ პოლიტიკურ ცხოვრების ფორმებს მიწაწყალთან გადამბით და მათ ისტორიულ მოძრაობის მიერ შექმნილ პირობებში. გეოპოლიტიკა ირკვევს მეცნიერულად მიწაწყალთან შეზრდილ პოლიტიკური ცხოვრების სახეს. რამდენადაც იგი ისტორიულ მოვლენათა გზაზე გამოცდილებით ნაცნობია. გეოგრაფიის მიერ შექმნილი საცხოვრებელი მიწაწყალი, მხარე, აძლევს გეოპოლიტიკას იმ ჩარჩოებს, რომელთა შორის პოლიტიკურ მოვლენათა მიმდინარეობა უნდა სწარმოებდეს, თუ საბოლოოდ მისი წარმატება გადაწყვეტილია. რასაკვირველია, პოლიტიკური ცხოვრების მატარებელი ხანდახან ამ ჩარჩოებს გადასცილდებიან, მაგრამ ადრე თუ გვიან მიწაწყალთან გადამბულება (დაკავშირება) თავისას იქმს, მათ უკანვე დაბრუნებს.

მოკლედ რომ ვსთქვათ, «გეოპოლიტიკა არის სწავლა პოლიტიკურ მოვლენათა მიწაწყალთან გადამბულობის შესახებ».

მცნება «გეოპოლიტიკა» არ უნდა აგვირიოს მცნებასთან «პოლიტიკური გეოგრაფია». «პოლიტიკური გეოგრაფია არის სწავლა სახელმწიფოს გეოგრაფიული არსის და გეოგრაფიული ფორმის შესახებ, ანუ სწავლა პოლიტიკურ სივრცის ორგანიზმზე და მათი აღნაგობის, სტრუქტურის შესახებ».

როგორი არის საქართველოს გეოპოლიტიკა კერძოდ და კავკასიის საერთოდ?

ვიკ. ნიჭაძე.

### ს ა ზ ი რ ბ ო რ ო ტ ო ს ა კ ი თ ხ ი

(ემიგრაციის საყურადღებო)

ჩვენი ემიგრაცია უცხოეთში თანდათან იზრდება. ეს სრულიად ბუნებრივია, რადგან იქ, საქართველოში, არამც თუ ბოლო არ უჩანს ნივთიერ გასაჰირს და პოლიტიკურ დევნას, არამედ იგი დღითიდღე მატულობს.

რა თქმა უნდა, ემიგრანტის მდგომარეობა არ არის სანატრელი. მისი ნივთიერი და სულიერი გასაჰირი ძალიან დიდია; მაგრამ მინც ბედნიერათ გრძნობს თავს გამოქცეული, როცა იგი საბჭოთა კავშირის საზღვარს გადმოსცილდება და თავისუფა-

ლი ჰაერით ამოსუნთქავს. ემიგრაციის უმრავლესობა არ ერიდება არავითარ ფიზიკურ გასაჰირს და ჩვენ ვხედავთ, რომ ეს უმრავლესობა მართლაც მძიმე, მაგრამ კეთილშობილი შრომით თავს ირჩენს. და რადგან შრომის მოთხოვნილობა დღემდის საფრანგეთში მეტი იყო, ვინემ სხვა ქვეყნებში, აქ მოიყარა თავი ქართველი ემიგრაციის უმრავლესობამ.

ფსიქოლოგურადაც ქართველ ემიგრანტს საფრანგეთში ჩამოსვლა ურჩენია სხვაგან წასვლას, რადგან მან იცის, რომ მისი უფლებრივი მდგომარეობა

აქ უკეთესია, აქ ვგულისხმობ მას ძველად ჩამოსული თანამემამულენი, რომელთაც უკვე იციან ადგილობრივი პირობები, წესები, ენა და ახლად ჩამოსულთ გზის გაკაფვაში მოეხმარებიან: წინა კაცი უკანასი ხიდა.

ეს გარემოება დიდ მოვალეობას აკისრებს არა მარტო ჩვენს ოფიციალურ დაწესებულებებს, არამედ მთელს ემიგრაციას ერთად აღებულს და თვითეულს ჩვენგანს კერძოთ.

ასზე მეტი ქართველი იმყოფება ამ უამად ოსმალეთში, რამდენიმე თვეა გედმოხვეწილი, უმუშევრად, უბინარად და ულუკუმაპურით. მათი თვალი აქეთ არის მომართული, მოუთმენლად მოელიან აქეთ წამოყვანას, უნდათ იმუშაონ და შრომით თავი იჩინონ. მაგრამ ეს არ ხერხდება. არის ეს დაუდევრობა ჩვენი ოფიციალურ დაწესებულების? დანამდვილებით ვიცი, რომ არა. ეს რომ ასე იყოს, ძალიან სამწუხარო იქნებოდა, მაგრამ ამის გამოსწორება არ იქნებოდა ძნელი. უბედურება ისაა, რომ, პირიქით, მრავალგზით აღძრული შუამდგომლობა ჩვენი ოფიციალურ დაწესებულებათ ახალი ლტოლვილების გადმოყვანის შესახებ ეწლა დაბრკოლებას პოულობს იმ დაწესებულებებში, რომელნიც დღემდის ხელს გვიწყობდენ ამ საქმეში. რა მოხდა?

მას შემდეგ, რაც ემიგრაციის გამოსვლამ მასიური ხასიათი მიიღო, ცხადი გახდა, რომ ჩვენი საკუთარი სავალდებოთ ყველა იმითი გადმოყვანა საფრანგეთში და მათი რჩენა შეუძლებელი იყო. ამიტომ ზომები იქნა მიღებული, რომ სათანადო დაწესებულებანი დაგვხმარებოდენ. გვეხმარებოდენ საფრანგეთის მთავრობა, ნაციათა ლიგა, საერთაშორისო შრომის ბიურო და სხვ.—ზოგი სამუშაოს შოვნით, ზოგი სამგზავრო ფულით. მაგრამ გვეხმარებოდენ, რასაკვირველია, საერთო წესით ისე, როგორც ეხმარებიან რუსის, სომხის და სხვ. ლტოლვილებს. ესე იგი: კონტრაქტი მუშაობას შესახებ უნდა იქნას შესრულებული და გზის ფული ნაწილ ნაწილად დაბრუნებული, რომ შემდეგ ეს ფული ახალ ლტოლვილებს მოხმარდეს. ერთხანს საქმე კარგათ მიდიოდა და ლტოლვილების გადმოყვანის და მოწყობის საქმე გაადვილებული იყო. მაგრამ დროთა განმავლობაში აღმოჩნდა, რომ ზოგიერთი ქართველი (უმრავლესობაზე, საბედნიეროთ. ეს არ ითქმის) გაურბოდა კონტრაქტის შესრულებას. გაწესებულ სამუშაოზე არ იცდიდა და, რაც უშთავრესია, ნაციათა ლიგის თუ ქარხნის ვალსაც არ იხდიდა; რაც დრო გადიოდა, ესეთ სამწუხარო მოვლენებს მეტი ადგილი ჰქონდა—მიუხედავთ ჩვენი ლეგაციის მრავალჯერ ჩარევისა და პირობის დამრღვევ ემიგრანტების გაფრთხილებისა.

ასეთ შემთხვევაში რუსის ემიგრაციას პოლიცია უკეთებს კონტროლს, რადგან ისინი «ნანსენის პასპორტით» ცხოვრობენ; ხოლო რადგანაც ამ მხრივ, საბედნიეროთ, ჩვენ უკეთეს პირობებში ვართ—გვაქვს ქართული პასპორტი და საკუთარი ოფიციალური წარმომადგენლობა, პოლიციის უშვალა ჩარევის მაგიერ ლეგაციას უგზავნიდენ ლტოლვილების მიერ გაცემულ ხელწერილებს და ამით მიერ პირობის

შესრულების შესახებაც ლეგაციას ენდობოდენ. პოლიციის მუდმივი კონტროლის ქვეშყოფნის მაგიერ აღნიშნული წესი გასახარი უნდა ყოფილიყო და სამაყოც ქართველი ემიგრანტის ეროვნულ თავმოყვარეობისათვის. სამწუხაროთ, ზოგმა ვერ გაიგო და ვერ დააფასა ასეთი წესი; მოგონებს ლეგაციის მხრივ და პირობის შესრულების მოთხოვნას ზოგი დიდის უკმაყოფილებით შეხვდა, ყურადღება არ მიაკცია, სხვადასხვა «მიზეზით» თავი დაიძვრინა.

ერთხელ და ორხელ მოტყუილებულმა ქარხნის პატრონებმა საჩივარი აღძრეს სამინისტროს წინაშე: ქართველი მუშები არ გვინდა, ისინი პირობას არ ასრულებენო (უდანაშაულოთაც სახელი გაუტყდა). ნაციათა ლიგამ უარი განაცხადა დახმარებაზე, ხოლო რადგანაც საფრანგეთში ლტოლვილებს მხოლოდ სამუშაო კონტრაქტით უშვებენ, სამინისტრომაც უარი განაცხადა ვინის მოცემაზე ახალ ლტოლვილებსათვის. თუ ამის დაუმატებთ იმ გარემოებასაც, რომ სასტიკათ თვალყურს ადევნებენ ამ ბოლო დროს უცხოელთა ყოფაქცევას საფრანგეთში, ადვილი წარმოსადგენია შექმნილი მდგომარეობა. საქმე გაფუჭდა, თუმცა ამაში ემიგრაციის დიდ უმრავლესობას არავითარი ბრალა არ უდევს. ამნაირად, ვინ იცის რამდენი ქართველი, ღირსი ყოველგვარ დახმარებისა, ვინც ყოველგვარ პირობას პირნათლად შეასრულებდა, თვობით უცდის ახლა ვინას ოსმალეთში. მათი წამოსაყვანი ფულიც რომ იყოს, ვინის მიღება სჭირს. ზოგიერთის მიერ წახდენილი საქმე ესე სამინილოდ სჩაგრავს სხვებს—მრავალთ.

ჩვენ ვერ შევასრულებდით ჩვენს მოვალეობას, რომ ამ სამწუხარო მოვლენისათვის არ მიგვექცია ემიგრაციის ყურადღება. უპირველეს ყოვლისა ჩვენ მივმართავთ იმათ, ვისაც ეს პირდაპირ შეეხება: ჩაუკვირდენ მდგომარეობას და ნუ განდებიან მიზეზის სხვებისთვის საქმის წახდენის, გაიხსენონ ის მდგომარეობა, რომელშიდაც თვითონ იმყოფებოდენ სახლვარზე გადმოსვლისას. იმავე მდგომარეობას განიცდიან ახლა სხვები, მისი თანამემამულენი და თანამებრძოლნი. ყველამ, ვინც კონტრაქტით არის მიღებული სამუშაოზე, აუცილებლათ უნდა შეასრულოს იგი, ვისზედაც არის დარჩენილი ვალი ქარხნის, ნაციათა ლიგის თუ ჩვენი მთავრობის (მთავრობისაგან სამგზავროდ ვალად აღებული ამავე ფონდში შეღის) და სხვ. ახლავე უნდა დაიწყონ ნაწილ-ნაწილად ამ ვალის გადახდა; ამით იქნება კიდევ გამოსწორდეს მდგომარეობა, შეხედულემა ჩვენს ლტოლვილებზე შეიცვალოს და ახალ ლტოლვილებს საშვალემა აღმოუჩნდეს გადმოსაყვანად.

ჩვენ მივმართავთ ყველას, რათა გავლენა იქონიონ მათზე, ვინც გაურბის ნაკისრებ მოვალეობის შესრულებას და მით შეიძლება შეუგნებლად, საერთო საქმეს აფუჭებს, დანაშაულია დაბრკოლება მათი, ვინც ჩვენზე მეტ ხანს იწამა ჯოჯოხეთურ პირობებში და ახლა მხოლოდ და მხოლოდ ჩვენმასე პირობებში ჩაყენებას. პოლიხან შრომით თავის რჩენას შენატრის. ჩვენ ვიმედოვნებთ, რომ ეს ჩვენი მიპართვა არ დარჩება უნაყოფოდ.

წინააღმდეგ შემთხვევაში, ვფიქრობთ, რომ ჩვენი



ოფიციალური დაწესებულებანი იძულებული გახდებიან ამცნონ მევალეთ, რომ ვერაფერს გახდენ და თვითონ იზრუნონ პირობის სისრულეში მოსაყვანად და ვალის გასანაღდებლათ. ისინი კი თავისას განიადღებენ—იძულებითი წესით, პოლიციის საშვალეობით, რეპრესიებით. ეს იქნება დიდი სირცხვილი ჩვენთვის, მაგრამ ერთადერთი გამოსავალი შექმნილი მდომარეობიდან, რადგან წესების დარღვევას, ნაკისრებ მოვალეობიდან გაქცევას აქ არავის აპატიებენ ხოლმე. სულ სხვაა ავადმყოფთა და უმუშევართა მდგომარეობა, მაგრამ ასეთების რიცხვი, ძლიერ მცირეა. ეს გამოჩნდება იმ სიღრმად, რომელსაც ჩვენ გამოვამჯავებთ, თუ ეს ჩვენი მიმართვა უმადვგოთ ღაძრჩა, და მაშინ ქართველი საზოგადოება, აქ და ჩვენში, თვითონ განსჯის, შეეძლოთ თუ არა ამ პირთ წლების განმავლობაში ნაკისრებ მოვალეობათა პირობათადად შესრულება, რომ არც საკუთარი და არც სხვისი საქმე არ გაეფუჭებიათ.

დასასრულ, ჩვენ მოვალეობათ მიგვაჩნია ერთხელ კიდევ გავაფრთხილოთ ჩვენი თანამემამულენი, რამდენათ იმათ ჩვენი ხმა საქართველოში მისწვდება, რომ ემიგრანტის მდგომარეობა მიიმეა და ადვილათ სამშობლოს ნურვინ სტოვებს; ნურვინ ფიქრობს რომ ადვილათ შესძლებს უცხოეთში თავის შენახვას. ემიგრანტობა—სასჯელია და ამ სასჯელს იგი არ უნდა დაერიდოს მხოლოდ, ვისაც შინ უარესი სასჯელი მოელის.



### ქართველი ერის სული

როცა შაჰ აბაზმა საქართველო ააოხრა, ერთ სოფელში დაისვენა, სადილს შემდეგ საუცხოვო ხილეთულობა და გემოიანი ვაშლი მიირთვა. ვაშლი ისე იამა, რომ შუბის წვერით მიწა გაჩიჩქნა. ვაშლის თესლი მიწაში ჩაფლავდა: სანამ ეს თესლი არ ამოვა, ვაიზრდება და ამისთანა გემოიანი ვაშლს არ გამოიხსამს, მანამ ამ მოვნიერ ქვეყნიდან მე წამსვლელი არა ვარო!

გავიდა დრო და შაჰ აბაზი იძულებული შეიქნა საქართველო დაეტოვებია... წასვლისას მრავალი ქართველობა ირანის უდაბნოში გადარეკა... როცა სამშობლოს დანატრულნი ტყვეობაში კვდებოდნენ, მშობლები შვილებს ანდერძათ აბარებდნენ: ქარი რომ სამხრეთიდან ჩრდილოეთისკენ ქროდეს, დედა სამშობლოს მოკითხვა შეუთვალეთ, ქარი ჩვენს ამბავს იქაურ ძმებს მიუტანს, ჩვენი ქვეყანა იქით არისო!

გავიდა დრო, საქართველომ კვლავ მრავალი აოხრება და წამება გამოიარა... შაჰ აბაზის მიერ გატაცებული ქართველობა სრულიად მოწყდა მის სამშობლოს, მისი არსებობა სახლადარა შეიქნა...

ბოლოს ჩვენ აგვაოხრა მოყვრათ მოწვეულმა რუსობამ და საუკეთესო მამულისშვილი დაგვიხოცა, რჩეულნი რუსეთის ცივ ქვეყანაში წარგეტაცა! თუ სპარსეთიდან ქართველის სული ნიავეთ მოქროლავდა, მათ არსებობას ქარი გვამცნევდა, რუსეთში გატაცებულნი სამშობლოს დანატრულნი მოღვაწენი დრო გამოშვებით მოყვას-ნათესავებს თბილ

და მგრძობიარე წერილებს წერდნენ, სამშობლოში ობლათ დარჩენილთ მომავლის იმედით ამხნევდნენ, მრავალი მათგანი სულიერ და გონებრივ საზრდოს აწვდიდნენ... იმ ბნელითმოცულ წამხდარ დროში, ახალი გზის ძებნაში, მათი იმედი, შემოძახება, მანათობელ ვარსკვლავათ ევლინებოდა ქართველობას...

ჩვენ კვლავ დავახწიეთ ტყვეობას თავი... რუსეთი კვლავ შემოგვესია, აგვაოხრა... ერის შვილები ჯურღმულებში აწამა...

მარა, როგორც შაჰ აბაზმა და მრავალმა მტარვალმა ვერ ჩააჭრეს ქართველი ერის სული, ისე ვერ ჩაკლეს ჩვენ ერში (დღესაც თავისუფლების მისწრაფება, სამშობლოს სიყვარული...

თუ რა ძლიერათ ღვივის ქართველი ერის გულში სამშობლოს სიყვარული და რა სულიერი განწყობილებაა ახლა ჩვენში, ამას ამოწმებს დედა სამშობლოდან გამოგზავნილი წერილი ერთ ახალგაზდასთან ევროპაში.

ოჯახურ ამბების შემდეგ უცნობი სწერს:

«... ასე, ჩემო ძამიკო, იყავი კარგათ, გულს ნუ გაიტყბთ, რომ თქვენი შორსა ხართ სამშობლოდან და თქვენი ერისაგან, მშობლების და ნათესავებისაგან. რა დიდი ხანიც არ უნდა იყოს გასული, ყოველთვის დიდი აღფრთოვანებით შეგხვდებათ თქვენი ერი, გულზე მიგიხუტებთ თქვენი მშობელი და სიამოვნებით მიგიღებთ სამშობლო. შესაძლებელია თქვენ ბედმა უფრო კარგი ხვედრი კარგუნათ, თქვენ იმყოფებით იქ, სადაც მთავარი წყაროა ცოდნის და მეცნიერების, სადაც ყოველი ახალგაზდის სული მიისწრაფვის ცოდნის შესაძენათ, მაგრამ სხვადასხვა, მრავალი გარდაუვალი დაბრკოლებათა გამო ვერ აღწევს ამ მიზანს. თქვენი ეს დაბრკოლება უკვე გადალახული გაქვთ და იმყოფებით მანდ, გპირდებათ მხოლოდ ამ შემთხვევაში დროის სარგებლობა და კარგათ გამოყენება. მე ღრმათ დარწმუნებული ვარ, რომ ეგ დრო კარგათ გამოიყენეთ და გამოიყენებთ კვლავ. მრწამს, რომ დაბრუნდებით ცოდნით აღჭურვილი, ღირსეული ახალგაზდა, გაამართლებთ თქვენი ერის იმედს, ღირსეულად შეასრულებთ მოვალეობას და სახელოვნათ გააკეთებთ სამშობლოს დავალებებს. გისურვებთ ყოველივე კარგს, მშვიდობას, ჯანმრთელობას და სიცოცხლეს მრავალყამიერ. ჩემო ძამიკო, მინდა გავათავო წერილის წერა, რომ ჩემი წერილის კითხვით თავი არ მოგაბეზროთ, მაგრამ ხელი მაინც არ შემოარჩილება, მაინც სწერს. მე თვითონ არ ვიცი რას, ამ წერილით გართულს მგონია ჩემი თავიც პარიზში. ძალიან მაინტერესებს მანდაური უნივერსიტეტები, ესლა როგორი პირობებია, ან და აქედან უმადან სწავლა დამთავრებული, ჩამოსული მანდ თუ მოეწყობა მოკლე ხანში კარგადილებზე.

იმედია თქვენს ნაცნობებს არ დაივიწყებთ. წერილით ყოველთვის გაგვიხსენებთ».

თქვენი პატივისმცემელი Z.

კითხულობ ამ უბრალოთ დაწერილ წერილს და გული სიამით გვესებათ, გონება გინათლდებათ, იმედი გიორგვცდებათ! იქ, ჯოჯოხეთად ქცეულ პირობ



ბებში ასეთი წერილი იწერება, ასე საღათ მსჯელო-ბენ და გიკვირთ...

მარა არა, აქ საკვირველი არაფერია, აქ ნაცნობი ქართველი ერის სულია!

ასე იყო ძველად, ასეა დღესაც. დეე, ევროპაში გადმოხვეწილმა ახალგაზნობამ გაამართლოს სანახევროთ მინც სამშობლოს იმედები... მე ეს მწამს, იქაური ახალგაზნობა არ ცდება...

ვლასა მკვლადე.

„დნი“ და ეროვნული საკითხი

ამას წინად კერენსკიმ გააკეთა პარიზში მოხსენება: «კოლექტივიზაცია: პოლიტიკური დასკვნები».

მოხსენების გაოშემო გამართა კამათი. კოლექტივიზაცია ყველას დაავიწყდა. კამათი გადიოდა მხოლოდ ეროვნული საკითხის ირგვლივ. ჩვენი მკითხველისთვის მეტად საინტერესოა რუსეთის ზოგიერთ წრეების აზრი ეროვნულ საკითხზე, განსაკუთრებით იმ წრეების. რომლებიც სოციალისტურ სამსვლით გვევლინებიან.

მოგვყავს კამათის ანგარიშის დამახასიათებელი ადგილები «დნი»-დან.

ა. პ. მარკოვი სასტიკი წინააღმდეგია პატარა ერების განთავისუფლების, ის განსაკუთრებული ენერგიით ილაშქრებს უკრაინის დამოუკიდებლობის წინააღმდეგ. ეკონომიური მოსაზრებით მას ეს დამოუკიდებლობა ყოველად შეუძლებლათ მიაჩნია.

ო. ა. ფიშერი: ორ პარალელურ პროცესს აქვს დღეს ადგილი საბჭოთა სამეფოში: ერთის მხრივ ძლიერდება კომუნისტურ პარტიის ადმინისტრაციული ცენტრალიზმი და მეორე მხრივ ღრმავდება ეროვნებათა მოძრაობა და ამ მოძრაობაზე დამყარებული ნაციონალურ-კულტურული თავისებურება. ამიტომ სოციალისტურ და დემოკრატიულ ემიგრაციის მოვალეობაა გულწრფელი თანაგრძნობით მოეკიდოს სხვა და სხვა ეროვნებათა მისწრაფებებს ნაციონალურ-კულტურულ დამოუკიდებლობისაკენ და მეორეს მხრივ შეებრძოლოს ბოლშევიკურ ცენტრალიზმს. ორი წლის უკან «დნის» კრებებზე, როდესაც ირჩევოდა ეროვნული საკითხი, ჩვენ ვხედავდით რუსეთის ყველა ეროვნებათა წარმომადგენლებს. დღეს ისინი აქ არ არიან. რატომ? ცხადია, იმიტომ რომ მაშინ აქ არ შეიქნა ისეთი ფსიქოლოგიური ატმოსფერა, სადაც ყველა თანასწორათ გრძობს თავს. უნდა აღვადგინოთ ურთიერთ ნდობა სხვა და სხვა დემოკრატიულ ინტელიგენციაში. ეს ინიციატივა უნდა ავიღოთ ჩვენ. და ეს ინიციატივა გამოძახდეს კპოებს, თუ ჩვენ ვშეგარა სიმპატიით მოვეპყრობით ნაციონალურ მისწრაფებებს, თუ ვსცნობთ გულახდილათ და გადაჭრით ყველა ერთა თანასწორ უფლებიანობას—მოაწყოს თავის ბედი ისე, როგორც მას სურს.

სტ. ივანოვიჩი. უნდა უკუვაგდოთ «ისტორიული უფლებები» და ვიცნოთ ეროვნულ მისწრაფებათა სამართლიანობა და კანონიერება. «ისტორიულ უფლებათა» ფსიქოლოგია ვერ ეგუება დემოკრატიის.

მორალურ საფუძვლებს და წინ ედობება ყოველსავე პოლიტიკურ და სოციალურ პროგრესს.

ს. მ. სოლდვეიხი. არ ეთანხმება ბ. ბ. ივანოვიჩის და ფიშერს. მას შეუძლებლათ მიაჩნია განყენებული პრინციპის (ერის თვითგამორკვევა) ხელალებით გატარება პრაქტიკულ სინამდვილეში. ამ მუხლში, მისი აზრით, სოციალისტურ თეორიას რევიზია ესაჭიროება.

ა. ფ. კერენსკი. ბ. კერენსკი თავის გრძელ საბოლოო სიტყვაში დორბლებით ტუჩებზე თავს ესხმის პატარა ერთა განთავისუფლების მოტრფილეთ. «რუსეთიდან—ველიკორუსიიდან საუკუნოებით იწურებოდა ყოველივე წვენი ნოვოროსიაში და სხვა განაპირა ქვეყნებში კულტურის შექმნის მიზნისათვის. და მართლაც რუსეთი არ ყოფილა მხოლოდ «ხალხთა საპყრობილე».

მთავრობა, მისი შეცდომები და დანაშაულობანი—ერთა. მაგრამ მასთან იყო კიდევ შემოქმედება ხალხის, ხალხებისა, რომლებმაც შექმნეს ერთად ახალი სახელმწიფო კულტურა. ეს კულტურა რუსეთს მიქონდა განაპირა ადგილებში,—კავკასიაში და აზიის შუაგულში. ცივილიზატორული კულტურა, განმანათლებელი მუშაობა რუსეთის,—და ამ მუშაობაში წილი უდევთ ველიკორუსებს. უკრაინელებს, ქართველებს, ებრაელებს და სომხებს,—თამამათ შეედრება ევროპის მიღწევებს კოლონიალურ ქვეყნებში. შეადარეთ თურქესტანი ინდოეთს. თურქესტანში სახელმწიფო-შემოქმედებითი მუშაობა უფრო ხალხსაფუძვლებზე იყო აგებული, ვინემ ეს ინდოეთშია. და მე ვფიქრობ, რომ ინგლისელებს და კერძოთ მაკდონალდის მთავრობას აქვს უფლება დარჩეს ინდოეთში, რადგან ინგლისელების წასვლა ინდოეთიდან მომასწავებელი იქნება არა მარტო ინგლისის იმპერიის დამსობის...

სტ. ივანოვიჩი. და მაინც წავლენ.

ა. ფ. კერენსკი: წავლენ და მაშინ ინდოეთი ხელახლათ დაიყოფა 600 ურთიერთ მტრულათ განწყობილ სახელმწიფოთ. ეს უდიდესი ნაბიჯი იქნება უკან არა მარტო ბრიტანეთის იმპერიისათვის, არამედ მთელი კულტურულ კაცობრიობისათვის. მე არა ერთხელ მითქვამს, რომ კაცობრიობა მიდის გაერთიანებისაკენ და არა დანაწილებისაკენ. სოციალიზმი, როგორც ქრისტიანიზმი, ისე როგორც ყველა დიადი შემოქმედებითი სოციალური იდეები, თავისთავად უნივერსალური და იმპერიალისტურია. ერთხელ და სამუდამოთ ბლოო უნდა მოვლდეს იმ რეპციონურ ლეგენდას, თითქოს მთელი ნაციონალური პოლიტიკა ყოველივე სოციალისტის და დემოკრატის უნდა იყოს მიმართული პატარა ერების ცალმხრივი თვითგამორკვევის,—სრულ გამოყოფამდე—, დაცვა-წაქეზებისაკენ. დასავლეთში დღეს უკვე იციან სახელმწიფოს ასეთი დამნაწილებელი ნაციონალიზმის მავნებლობა.

როდესაც ევროპა ზე-ევროპის შექმნისაკენ ისწრაფვის, ჩვენ გველაპარაკებიან, დავბრუნდეთ მოსკოვის საზღვრებში. მე ეს არ მსურს, მე ეს არ შემიძლია. არა იმიტომ, რომ მე კაცი ვარ არა ველიკორუსული, არამედ სრულიად რუსული შეგნების,

არამედ კიდევ იმიტომ, რომ მე ვეროპიელი ვარ. რომ მე სოციალისტი ვარ და მაქვს ჩემი იდეა ჩვენ ინტერნაციონალურ მოვალეობის.

ასე «სოციალისტურათ» მოთქვამს ბ. კერენსკი. საბედნიეროთ კერენსკის «სოციალიზმს» არაფერი საერთო არ აქვს ჭეშმარიტ სოციალიზმთან. რომლის დროშაზე აწერია სრულყოფილი პიროვნება სრულყოფილი ერში, სრულყოფილი ერი სრულყოფილ კაცობრიობაში.

ბ. კერენსკიმ რაც უნდა იყვიროს, ერები მაინც განთავისუფლდებიან. რადგან არვის ძალუძს თავისუფალი ეროვნული სულის ხუნდებში სამუდამოთ ჩაქედა.

26 მაისი

პარიზში.

პარიზში იყო გამართული დარბაზობა, რომელსაც ქართველთა ასოციაციის თავმჯდომარე ბ. სხირტლაძე მიესალმა უცხო სტუმრებს და ქართველებს კი მიულოცა დღესასწაული. იყო საკონცერტო ნაწილი. ევროპიული და ქართული ცეკვა. სტუმრები მიწვეულ იქნენ ბუფეტზე.

ბერლინში.

ბერლინში მყოფ ქართველობამ ზემოთ გადაიხადა ჩვენი ქვეყნის განახლების დღე 26 მაისი.

საზეიმო სხდომა მოწვეულ იყო საქ. წარმომადგენლის ბ-ნ ლ. ახმეტელის მიერ. დაესწრო თითქმის აქ მყოფი ყველა ქართველობა, მეზობელ რესპუბლიკ. აზერბაიჯანისა და სომხეთის წარმომადგენელი და მრავალი გერმანელი, მათ შორის ბ-ნ ედვ. ბერშტაინი, ქართველების გულწრფელი და ერთგული მეგობარი, რაიხსტაგის და გერმ. ს. დ. პარტიის ცნობილი მოღვაწე შეიდმანი; საქართველო. დამფ. კრების ყოფილი გერმანელი წევრი ბ-ნი ერიკ ბერშტაინი, ბერლინის ერთ ერთ უბნის თვითმართველობის პასუხის მგებელი მოღვაწენი და სხვები. დარბაზი მორთულია სურათებით და ეროვნ. დროშებით. კრებას ხსნის ლ. ახმეტელი მოკლე სიტყვით, რომლის შემდეგ კრება ასრულებს «დიდებას». კოლონიის თავმჯდომარე მ. წულუკიძე გერმანულ ენაზე მოკლე და შინაარსიან მოხსენებაში აღწერს დამსწრე სტუმრებს ჩვენი ქვეყნის ისტორიას.

თავისებურ მჭერმეტყველებით და კეთილ გრძობა სურვილებით სავსე სიტყვით მიმართავს კრებას ბ-ნი შეიდმანი. ბოდიშს იხდის გერმანიის ს. დ. პარტიის თავმჯდომარის ველსის და ბერლინის ორგანიზაციების თავმჯ. კიუნსტლერის სახელით, რომ მიუხედავად მათი სურვილისა ვერ ესწრებიან ქართველების დღესასწაულს და ესალმება კრებას თავისი და მათი სახელით, აღნიშნავს იმ სიხარულის განცდას, რომელიც ამ 12 წლის წინათ საქართ. დემოკრ. რესპუბლიკის გამოცხადებამ გამოიწვია მათში, და კარგად გვახსოვს ისიც, ამბობს შემდეგ: თუ რანაირი აღშფოთება გამოიწვია მოსკოვის ვერავლმა ბოროტმოქმედებამ თქვენს მიმართ. ვიცით იმ აუარებელი სისხლის ღვრისა და ხოცვაჟლეტის ამბები,

რომელსაც მოსკოვის ჯარები და აგენტები დღემდის ვანაგრძობენ თქვენს ქვეყანაში; მთელი მოწინავე კაცობრიობის თანაგრძობა თქვენთან არის. თქვენც კარგად იცით, რომ ბოლშევიზმის ბოროტებით არა მარტო თქვენ და საბჭოთა კავშირში მომწყვდეული ხალხები იტანჯებიან. არამედ ჩვენც 65 მილიონიან გერმანელი ერიც—ვიტანჯებით. ყველასათვის ნათელია, თუ რას ნიშნავს ბოლშევიზმი გერმანიისათვის, ეს მისი მუშათა კლასის სხეულში ღრმად ჩარჭობილი ისარია; რომელიც სთიშავს და მის საგრძობ ნაწილს სწამლავს და ეს გარემოება აორკეცებს ჩვენს სიმპატიებს თქვენი ბრძოლისადმი.

შეიდმანმა ასე დაათავა თავისი სიტყვა:

მე ღრმად დარწმუნებული ვარ საქართველოს განთავისუფლებაში და მას თქვენთან ერთად ჩვენც უღრმესი სიხარულითა და ზემოთ ვიდღესასწაულებით!

კრებამ დიდი ოვაციები გაუმართა ბ-ნ შეიდმანს. შემდეგ ლაპარაკობს აზერბაიჯანის წარმომადგენელი; რომელიც მიესალმება რა საქართველოს ძვირფას დღეს 26 მაისს, აღნიშნავს კავკასიის ერების მთლიანობა შეთანხმების აუცილებლობას მტრის წინააღმდეგ და ხაზი გაუსვა საქართველოს მოწინავეობას კავკასიის ერებში.

ილაპარაკა ბ-ნმა ერიკ ბერშტაინმა, რომელიც მოუწოდებდა კავკასიის ერებს მთლიანობისა და სიმტკიცისათვის.

წაკითხულ იქნა ნ. იმნაიშვილის მიერ გერმანულათ ნათარგმნი—ნ. ყორდანიას «26 მაისი», წერილი «დამოუკიდებელი საქართველო»-დან.

ბ-ნი მიხეილ ყაუხჩიშვილი მიესალმა ედვ. ბერშტაინს. უკანასკნელმა თავის საპასუხო სიტყვაში სხვათა შორის სთქვა: რაც შეეხება თქვენს ბრძოლას, როგორც ამხ. შეიდმანმა აღნიშნა და მეც არა ერთხელ მითქვამს, სავსებით სამართლიანია. მე სიკეთელადმის თქვენი თანამგრძობი ვიქნები და დარწმუნებული ვარ, რომ მთელი ქვეყნის შეგნებული ნაწილი ბოლომდის თქვენი თანამგრძობი და დამხმარე იქნება.

გ. კერესელიძე მადლობით მიმართავს შეიდმანს, რომელმაც საუკეთესოდ შეაერთა თავის მოღვაწეობაში სოციალიზმი და ეროვნული სიყვარული.

დასასრულ ბ-ნი ახმეტელი მადლობას უცხადებს სტუმრებს და იმედს გამოსთქვამს, რომ მალე გვექნება შესაძლებლობა ეს ძვირფასი დღე სხვა პირობებში ვიდღესასწაულოთ და ჩვენ სტუმრებს მათი თბილი თანაგრძობა სხვა პატივით გადაუხადოთ.

დამსწრე.

ს ა ბ ზ ო თ ა რ უ ს ე თ შ ი

(ქუთაისი-გაზეთებიდან)

— პეტროგრადის მხარეში შექნეს საგანაპირო ზონა, რამაც უნდა გამოაცალკევოს საბჭოთა კავშირი ბურჟუაზიულ მსოფლიოდან. ზონაში ჩასახლებულ იქნებიან მხოლოდ კომუნისტები და ჩეკისტები. იქაური მცხოვრებნი კი უნდა გადასახლდნენ ში-



ს ა ქ ა რ ო ვ ე ლ ო ლ ა ნ ე

და რუსეთში. ასეთივე ზონები უნდა შეიქმნეს შავი ზღისა და სხვა მხარეებში. ზონაში შესვლა გარეშებს შეეძლებათ მხოლოდ სავანგებო ნებართვით.

— სინდიკატების გენერალურ საბჭოში შევიდა მუშების საჩივარი, რომ ისინი მეტად დატვირთულნი არიან. სხვადასხვა გადასახადებით პარტიული დაწესებულებების სასარგებლოდ. გენერალურმა საბჭომ მოახდინა ანკეტა და გამოიჩინა, რომ მუშებს იმ გადასახადებს, რომელიც მათ ნებაყოფლობით უნდა გადაიხადონ. ძალათ ახდენიან და ეს გადასახადი შეადგენს საერთოდ 30-40 პროც. მათი შემოსავლისას და ზოგიერთ შემთხვევაში 50 პროცენტსაც. გარდა გადასახადებისა, თვითელმა მუშამ უნდა იმუშაოს მუქად სხვადასხვა დღეებისათვის—«წითელი დღე», «ინდუსტრიალიზაცია» და სხვ. ორი თვე წელიწადში.

— მოსკოვში შედგა სპეციალური კომისია განათლების კომისარიატის, სამხედრო კომისარიატის და კომუნისტურ პარტიის ცენტრალურ კომიტეტის წარმომადგენელთაგან. კომისიის მიზანია გამოიძველოს საბჭოთა სკოლის სრული მილიტარიზაციის პროგრამა.

— მოსკოვში ჩაივდა ცნობილი ირლანდიელი კომუნისტი ფლარგერტი. ჩასვლისათანავე ფლარგერტი დაინიშნა ინტერნაციონალურ პროპაგანდის შეფათ. ის დაუყოვნებლივ შეუდგა ირლანდიულ ენაზე ჟურნალის გამოცემას. ჟურნალი არალეგალურად გაიგზავნება ირლანდიაში. მეორე ჟურნალი მისივე ხელმძღვანელობით გამოიცემა ოდესაში ბერძენ მეზღვაურთა შორის გასავრცელებლათ.

— ათასობით უსახლკარო ბავშვები დაეხეტებიან დიდი ქალაქების ქუჩებზე და შიშის ზარს სცემენ მცხოვრებლებს ცარცვა გლეჯით და სხვა ძალადობით. ოთხი წელიწადია საბჭოთა ხელისუფლებამ დაისახა სავანგებო მიზნათ უსახლკარო ბავშვთა საკითხის მოგვარება. მაგრამ დღემდის მდგომარეობა თუ უარესდება, თორემ არ უმჯობესდება. მთავრობამ შექნა ბავშვების მონადირეთა სპეციალური რაზმები. ეს რაზმები ძაღლების დახმარებით დასდევენ ბავშვებს ქუჩებში. სამი დღის განმავლობაში, როგორც «პრავდა» იტყობინება, მოსკოვში და მის ახლო-მახლო დაუქურიათ 900 ბავშვი. განეთი ურჩევს მთავრობას ბავშვები გადაგზავნოს შორეულ პროვინციებში, რადგან ისინი ქურდობით და ყაჩაღობით ტერორს ქვეშ ამყოფებენ ქალაქებს.

— გახშირდა თავდასხმა სტალინის მომხრეებზე. მოკლეს მურავიოვი კავალერიის მეათე ბრიგადის კომანდირი. მკვლეელი მიიმალა.

— კომუნისტურ პარტიის ცენტრალურმა კომიტეტმა ცირკულიარი დაუგზავნა ყველა განეთებს, სადაც მათ კატეგორიულათ ეკრძალებათ კომუნისტებზე თავდასხმის შესახებ რაიმე ცნობა მოათავსონ, რადგან ამ ცნობებს დემორალიზაცია შეაქვს მასებში.

— განახლდა სარწმუნოების დევნა გაორკეცებულ სისხტიკით. ტობოლსკში დახურეს 17 ეკლესია. ზოგი ეკლესია გადააკეთეს ციხეებათ.

«ამა წლის თებერვალ-მარტში დიდი მასიური მოძრაობა დაიწყო მთელ საქართველოში, განსაკუთრებით მის დასავლეთ ნაწილში. ამ მოძრაობის მთავარი მიზნები იყო კოლექტივიზაციის ძალით გატარება და კოლპეარტივების მიერ მოსახლეობისათვის საქონლის მიწოდების შეწყვეტა. გამოსვლებმა პირდაპირ აჯანყების ხასიათი მიიღო. მაგ. ხონის, ბაღდადის, სამტრედიის, სამეგრელოს, გურიის და განსაკუთრებით რაჭა-ლეჩხუმის რაიონებში. ჩეკის სავანგებო რაზმებთან შეტაკებაში ბევრია დაზარალი ორივე მხრივ. მეტად სისხლის მღვრელი შეტაკებები მოხდა დიდი ჯიხანიშის და ვანის რაიონებში. ეს მოძრაობა მოედო აღმოსავლეთ საქართველოს მხარებს, სადაც პარტიზანული რაზმები დღესაც მოქმედებენ. აღსანიშნავია, რომ ქართულ ჯარის ნაწილებმა უარი განაცხადეს ხალხის წინააღმდეგ გამოსვლაზე, რის გამო დაშალეს ორი ქართული პოლკი, ხოლო საერთოდ ქართული ნაწილები გადაიყვანეს ადერბეიჯანში.

ამუშავდა ჩეკის აპარატი, მასიური ხვრეტა ჩვეულებრივ მოვლენათ გადაიქცა. მთელი საქართველო დღეს საომარ ბანაკს წარმოადგენს და ის თავის ხასიათით 1924 წლის აჯანყებას მოგვაგონებს.

აივსო ციხეები დატუსაღებულ გლეხობით, მუშებით და მოწაფე ახალგაზდობით. 1500 ტყვე სასწრაფოთ გადაგზავნეს მოსკოვში, შემდეგ რა ბედი ეწევათ არ ვიცით. ხალხში დიდი ნერვიულობაა— მოთმინების ფილაა აივსო და ძნელია იმის თქმა, თუ ეს მასიური აღშფოთება რა ფორმებს მიიღებს. მთელ დასავლეთ საქართველოში სააღყო წესებია გამოცხადებული.

(«ბრ. ხმა» № 7)

უ ქ რ ა ი ნ ე ლ თ ა შ ო რ ი ს

კიევის სასწრაფოთ ამავრებენ. დისავლეთის მხრივ აღადგინეს ძველი სიმაგრენი და აშენებენ ახლებს. მუშაობას ხელმძღვანელობენ უცხოელი ინჟინრები. კიევის ირგლივ 20 კილომეტრის მანძილზე აჭრეს ტყე. ამუშავებენ შიდა რუსეთიდან ჩამოყვანილ მუშებს. ადგილობრივ მუშებს არ ენდობიან.

— ამზადებენ ახალ პროცესს უკრაინელ პატრიოტთა, რომელნიც დაატყვევეს (25 კაცი) ადესაში. მათ ბრალდებათ უკრაინის დამოუკიდებლობისათვის მუშაობა.

— უკრაინის ერთ-ერთ რაიონში, «კოლხოზების» საკანტროლო ცნობით, კოლექტივიზაციით უკმაყოფილო გლეხები გაამიშველეს და «გაროხვეს». ამათ შორის იყო 15 ქალი. «დაროხვეულები» მთელი ღამე ბოსელოში იყვნენ დამწყვდეული.

— თესვის საქმე უკრაინაში ძლიერ ცუდათ არის: პური არ არის. დათესილი 30 პროც., ჭარხალი კი— 3 პროც. არ აღწევს.

— მოსკოვის ბრძანებით უკრაინის ხელისუფლებამ მობილიზაცია უყო 15. 000, კოლექტივიზაციით



უსახლკაროთ დარჩენილ გლეხს და გაგზავნა დონის მალაროებში სამუშაოდ.

— უკრაინის კომუნისტური პარტიის ცენტრალურმა კომიტეტმა ცირკულიარი დაუგზავნა ყველა სარაიონო კომიტეტებს, სადაც წინადადება ეძლევა პარტიულებს, მიიღონ ზომები უკრაინელ ემიგრანტთა შორის პროპაგანდის გასაძლიერებლათ. დემორალიზაციის შესატანათ. მუშაობამ უნდა იწარმოვს როგორც ევროპაში, ასე კანადაში.

### ძ. მიურატის მოხსენება ჟენევაში

საქართველოს დამხმარე შვეიცარიის საერთაშორისო კომიტეტმა მიიპატიჟა ქ-ნ მიურატისა მოხსენების გასაკეთებლად საქართველოს შესახებ ჟენევაში.

მოხსენება გაიმართა 29 მაისს, ბატ. ჟან მარტენის თავმჯდომარეობით—სხენებულ კომიტეტის თავმჯდომარეა. მოხსენებას აუარებელი ხალხი დაესწრო, დარბაზში ტევა არ იყო და დიდძალი საზოგადოება იძულებული იყო უკან გაბრუნებულიყო. მოხსენების შინაარსი ჩვენ უკვე აღვნიშნეთ ჩვენი გაზეთის თებერვლის ნომერში. როდესაც ქალბატონ მიურატისამ ეს მოხსენება «ოქროს ვერძის ქვეყანაში» პირველათ წაიკითხა პარიზში. მოხსენებას თან ახლდა ბუნდოვანი სურათები, მეტათ საინტერესოთ შერჩეული საქართველოს ყველა დარგის ცხოვრებიდან.

დამსწრე საზოგადოებამ დიდის ყურადღებით მოისმინა ქ-ნ მიურატის მოხსენება და შვეიცარიის და განსაკუთრებით ჟენევის გაზეთებმა მოათავსეს ქ-ნ მიურატის საინტერესო მოხსენების შინაარსი თავის ფურცლებზე.

ქ-ნ მიურატისა შემოდგომისათვის მოწვეული არის ლონჯონში ასეთივე მოხსენების წასაკითხავათ.

### ბ. ჟენეს მოხსენება პარიზში

საქართველოს დამხმარე საზოგადოების «Amis de la Georgie» ს გამგეობამ პარიზში გამართა თორმეტ ივნისს საგეოგრაფიო საზოგადოების დარბაზში მოხსენება საქართველოს ეკლესიის შესახებ.

მოხსენება გააკეთა ბ-ნ შანუან ქენემ ამავე საზოგადოების გამგეობის წევრმა. მოხსენების საგანი იყო: «ქრისტიანობა და რელიგიური ხელოვნება საქართველოში».

მომხსენებელმა მოკლეთ და მჭერმეტყველურად გააცნო საზოგადოებას ქრისტიანობის წარმოშობა, საეკლესიო მხატრობის და არქიტექტურის განვითარება საქართველოში. საეკლესიო მხატვრობის და არქიტექტურის ორიგინალობა მომხსენებელმა მიაწერა ერთის მხრით ქართველ ხალხის ბუნებას და მეორეს მხრით საქართველოს გეოგრაფიულ მდებარეობას—აღმოსავლეთ და დასავლეთ ხალხთა შორის ყოფნას. მოხსენებას თან ახლდა პროექცია სურათებისა საქართველოს ეკლესიების და საეკლესიო მხატრობის. მომხსენებელი ყოველ ცალკე სურათს აძლევდა ახსნაგანმარტებას, რომელმაც ძალიან სა-

ინტერესო გახადა თვით მოხსენება და ამავე დროს დამსწრეთ გადაუშალა თვალწინ ყველა უმთავრესი მომენტები საქართველოს საეკლესიო არქიტექტურის და მხატრობის განვითარებისა.

მომხსენებელს თითქმის არ დაუტოვებია არც ერთი ღირშესანიშნავი ეპოქა საქართველოს ეკლესიის ისტორიისა: წმინდა ნინო, დავით აღმაშენებელი, თამარ მეფე, გელათი და მისი აკადემია, საქართველოს ავტოკეფალიის გაუქმება, სინოდის მიერ დანიშნულ ექსარხოსების რუსიფიკატორული პოლიტიკა საქართველოს ეკლესიის მიმართ, საქართველოს სამღვდლოების ბრძოლა ავტოკეფალიისათვის, საქართველოს დამოუკიდებლობის აღდგენა, ეკლესიის გამოყოფა სახელმწიფოდან, წითელი მოსკოვის შემოჭრა საქართველოში, ქათოლიკოს ამბროსის თავდადებული ბრძოლა და დღევანდელი განადგურებული მოსკოვის მიერ საქართველოს ეკლესია.

დამსწრე მრავალფეროვან საზოგადოებამ დიდის ინტერესით მოისმინა მოხსენება და მხურვალე და ხანგრძლივი ტაშით დააჯილდოვა თვით მომხსენებელი.

ინ-განი.

### წერილი ხარბინიდან

22 მარტს გაიმართა აქ ქართული ტრადიციული ბალი, რომელსაც ხალხი ბლომათ დაესწრო. იყვნენ, სწავთა შორის, რამდენიმე კონსული და ადგილობრივი მაღალი აღმინისტრაციის მეთაურნი. საუკეთესო სასტუმრო «მოდერნის» დარბაზი ლამაზათ იყო მორთული, განსაკუთრებით დამსწრეთა ყურადღებას იპყრობდა ეგრეთ წოდებული «ქართული კუთხე», რომელიც თავის იშვიათი მორთულობით საუცხოვო სანახაობას წარმოადგენდა. ღრმა შთაბეჭდილება მოხდინა მაყურებლებზე პიანინოზე მხატვრულად შესრულებულმა ქალიშვილი ბოტოევის მიერ «სამშობლო» და «ქეთო და კოტემ». შემდეგ სიამოვნებით მოისმინეს რამდენიმე რომანსი, რომელიც იმღერა ახსაბაძემ ქართულად, რუსულად და ფრანგულად. მანვე ჩოხა-ახალუხში ძალიან ლამაზათ ითამაშა ლეკური. გამოვიდა აგრეთვე რამდენიმე ჩინებული რუსის არტისტიც. შემდეგ გაიმართა ბალეტი და ისევე ლეკური. საღამო, როგორც ეს აქ, მიღებულია, დამთავრდა ფოქსტროკით. ხალხი ძალიან კმაყოფილი დარჩა. დიშალა მხოლოდ დიდის ნ საათზე.

არ შეიძლება ხაზგასმით არ აღინიშნოს ბ. ივანე ხაინდრაგას შრომა ამ საღამოს მოწესრიგებაში. მიუხედავად იმისა, რომ ამ ბოლო დროს ცოტა არ იყო სუსტათ გრძნობს თავს, ახლაც ჩვეულებრივი გატაცებით მეთაურობდა საღამოს მოწყობის საქმეს. მისი ინიციატივით მოწვეული იყო ამ საქმეში მონაწილეობის მისაღებათ ქართველი ახალგაზნობა.

27 აპრილს შესდგა ქართველთა საზოგადოების წლიური საერთო კრება. უწინარეს ყოვლისა კრებამ მოისმინა გამგეობის მოხსენება—ანგარიში, თუ რა გააკეთა მან მისი რწმუნებულობის განმავლობაში.

როგორც ეს მოხსენებიდან აშკარათ სჩანდა, მას დიდი ღვაწლი გაუწევია საზოგადოების ცხოვრების ყოველ დარგში. გარდა მისი პირდაპირი დანიშნულებისა, როგორც აღმასრულებელი ორგანო ურთიერთ შორის დამხმარებელ საზოგადოებისა, გამგეობა სათანადო ყურადღებით ევებებოდა ყოველ ერთ-ერთ მოთხოვნილებას, რამდენადაც ეს შესაძლებელი იყო მისი არსებობის პირობებში. მოხსენების დამტკიცების შემდეგ კრებამ მოისმინა ბარამიძე ლლონტის დავა მიწის შესახებ, რომელიც ხანგრძლივი კამათის შემდეგ გათავდა შორიგებით. შემდეგ კრება გადავიდა არჩევნებზე. გამგეობაში არჩეულ იქნენ: ბ. ბ. ივ. ხაინდავა, ინჟინერი მაჩოშვილი, ცომაია, ხუნდაძე და თევზაძე. სამწუხაროთ, ბ.მა ხაინდავამ, სისუსტისა და დაღლილობის გამო, უარი განაცხადა (რაც მას უკვე ჰქონდა განცხადებული არჩევნების წინეთ). მაგრამ, მიუხედავად ამისა, იმედი გვაქვს, რომ ის ჩვეულებრივი ხალისით მიეგებება საზოგადოების თხოვნას.

კირ. კეღია.

«დამოუკიდებელ საქართველოს» რედაქცია თავის გულითადს სამძიმარს უცხადებს ბ. გიორგი ერაძეს და მის ოჯახობას ერთად ერთი შვილის, ქალის პატარა შუტრას გარდაცვალების გამო.

გ. ჩ. ს. გ. ი. მ. ი. ს. ა. ფ. ლ. ა. ვ. ზ. ე.

15 ივნისს, კარლო ჩხეიძის გარდაცვალების ოთხი წლის თავზე, პარიზში და მის მიდამოებში მცხოვრები ქართველები, რომელთა შორის იყვენ ყველა ქართულ ეროვნულ პოლიტიკურ პარტიების წარმომადგენლები, შეიკრიბნენ «პერ-ლაშეზის» სასაფლაოზე და ცოცხალი ყვავილებით მორთეს სახელოვანი მამულიშვილის საფლავი.

გ. რ. ი. მ. ა. ს. ო. ფ. ე. რ. ი. ა.

სტამბოლში ჭლებით, ხანგრძლივი ავადმყოფობის შემდეგ გარდაიცვალა გრიშა ხოფერი. განსვენებულმა გაათავა ქენევის უნივერსიტეტი და 1917 წლიდან მხურვალე მონაწილეობას იღებდა საზოგადოებრივ ცხოვრებაში. იყო სენაკის ქალაქის თავად და მერე საქართველოს მთავრობის წარმომადგენელი საექსპორტო ფირმებთან უცხოეთში.

განსვენებული მეტად სიმპატიური ადამიანი იყო, გულშემბატკივარი, მგობრობიერი, წმინდა ზნეობის და თავდაბალი. მისი უდროვო გარდაცვალება გულწრფელად დაამწუხრებს ყველას, ვინც მას იცნობდა.

ალექსანდრე ესაკია

კიდევ ერთი მსხვერპლი! გასულ მაისს მძიმედ დამავდა მუშაობის დროს რკინის-გზაზე და გარდაიცვალა ჯანით და ენერგიით აღსავსე ალექსანდრე ესაკია. ის იყო წარსულში ოფიცერი, ხოლო აქ ფინიკურ შრომას ეწეოდა, ითვლებოდა უფროს მუშად თვით ფრანგთა შორის. განსვენებულს წვრილი ცოლ-შვილი დარჩა სამშობლოში.

წვრილი რედაქციის მიმართ

ბ.ნ.ო რედაქტორო!

გთხოვთ ადგილი დაუთმოთ შემდეგ ანგარიშს: განსვენებულ გრიშა ხოფერიას დასახმარებლათ მიღებულია პარიზიდან ვასო წულაძის საშვალეებით სულ 2.000 ფრანკი, რომელიც შემოსწორეს შემდეგმა პირებმა, რისთვისაც დიდი მადლობის დროსი არიან: გრ. ბერიძე 1.000 ფრ., ა. ხ. 500 ფრ., ს. მ. 200 ფრ., ნ. ერისთავი 100 ფრ., ე. გ. 100 ფრ., ჭლექ. დამხმარე საზოგადოება 100 ფრ. სულ 2.000 ფრანკი. თურქულ ლირებზე გადახურდაცხებული შედგა სულ 165 ლირა და 30 პიასტრი. დაიხარჯა: ავთიმყოფობის დროს 108—45, დაკრძალვანზე 25 ლირა, გადახდილ იქნა გრ. ხოფერიას მიერ აღებული პირადი ვალი 32—85. სულ 166—30. პ-ით ვ. გოდფელაძე და ხ. გოვიტაუტი.

რუსეთში გადასახლებულთა სახარგებლოთ

საქარ. სოც. დემ. პარტიის სახლგარ-გარეთ. ბიურომ მიიღო შემოწირულება გადასახლებულთათვის შეგროვილი ჩეხოსლოვაკიაში მყოფ ქართველებში (მარტის, აპრილის და მაისის) 485 ჩ. კრ.; წინა თვეებში შეგროვილი (რაც არ ყოფილა გამოცხადებული განჯეთში) 385 ჩ. კრ.—სულ 870 ჩ. კრ.

პარიზის სოც. დემოკ. კომიტეტმა მიიღო და გადასცა დანიშნულებისამებრ რუსეთში პოლიტიკურ გადასახლებულთა სასარგებლოთ 404 ფრ. 80 სანტ. შემდეგ ამხანაგთა შორის:

დ. ფერაძე 51 ფ. 95 სანტ., ლ. ბალანჩივაძე 50 ფ. 95 სანტ., ნ. ცინცაძე 50 ფრ., პ. სარჯველაძე 25 ფრ., ი. ქარსელაძე 20 ფრ., ვ. ტულუში 20 ფრ., ს. კეკელიძე 15 ფრანკი.

ათ-ათი ფრანკი: მ. მელუა, ავ. ვადაძკოროია, გ. ბოლქვაძე, ავ. მეფარიშვილი, მ. ვარდოიანი, მ. ვარდოიანისა, ალ. ბებურიშვილი, ელ. ბებურიშვილისა, შ. აბდუშელი, გრ. ცინცაძე, გრ. ბარამიძე, ს. მურმანიძე, ს. ჭყონია, კ. ბოკუჩავა. დ. ბუაჩიძე—გერ. ცეცხლაძე, ი. კუპრაძე. გ. გოდფელაძე 5 ფ. სულ 407—80.

დასამუშავი წერილები, ფული და სხვა უნდა გამოგიგზავნოს შემდეგი მისამართით:

M-r O U R A T A D Z È  
10, rue Jules-Ferry. Leuville-s-Orge (S.-et-O.)  
France



## ქაქუცა ჩოლოყაშვილი

რედაქციისაგან: «დამ. საქ.» მცირე  
ნომერი უკვე დაბეჭდილი იყო, რედაქცი-  
აშივეთ ფრთად სამწუხაროდ ამბავი  
ქაქ. ჩოლოყაშვილის გარდაცვალების.  
შემდეგ ნომერში დაიბეჭდა განსვენ-  
ებულის ბიოგრაფია და სურათი.

ქაქუცა ჩოლოყაშვილი, ჩვენი ეროვნული გმირი, არა  
გვყავს! 26 ივნის ღამის 10 ნახ. საათზე შეწყდა მისი მაჯის ცემა.  
ქართველი ერი მწარეთ ამოიკვნესებს ამ ამბის გაგონებაზე.

ჩვეულმა ბრძოლებს, საშიშ შეტევებს, მამაც დახევებს  
სამშობლო მიწა-წყალზედ, მის მიუვალ კლდე-ღრეებში, უდა-  
ბურ ტყეებში, ქაქუცამ ვერ აიტანა უცხოეთში გახიზნულის  
ხვედრი, დადნა ვით სანთელი. თვით სწეულბაც, რომელსაც  
ის გადაყვა—ჭლექი, ომში მიღებულ ჭრილობაზედ აღმოცენ-  
და. რა საზღაპრო გმირობა გვაჩვენა ქაქუცამ კიდევ ამ რამ-  
დენიმე თვის წინ, როცა მას გაუპეს მკერდი საოპერაციო  
ოთახში და მთელი საათნახევარი თვალხილული და სულგა-  
ნაბული იტანდა საშინელ წამებას.

ჩვენი ქვეყნის უცხო ძალების მიერ დაკავებას ქაქუცამ  
პარტიზანული ომით უპასუხა, რომელიც გაგრძელდა ოთხი  
წელიწადი და შექმნა მთელი ეპოპეა, აღმოუფხვრელი ჩვენი  
ერის, მთელი კავკასიის, ხსოვნიდან.

მაგრამ ქაქუცას ჰქონდა ზეშთაგონებული პასუხისმგებ-  
ლობის გრძობაც. ის ერთხელაც არ მოწყვეტია ხალხის გუ-  
ლისთქმას, ზრახვებს. ამით აიხსნება მისი განუწყვეტელი კავ-  
შირი ქვეყნის მეზობლ ძალებთან, მათი შეთანხმებული მო-  
ქმედება, რამაც მოგვცა ბოლოს 1924 წლის აჯანყება, რომ-  
ლის სარდლად თვით ქაქუცა იქნა გამოცხადებული.

ეს იყო უმაღლესი ეროვნული აღტყინება და გამართლე-  
ბა ქაქუცას და მის თავდადებულ შეფიცულთა საგმირო სა-  
ქმეთა, ხელუქმნელი ძეგლი აწ უკვე ისტორიულ ბელადისა  
სიმბოლო ქართველ ერის რაინდობისა და უტყუარი გამა-  
რჯვებისა.

ქაქუცამ თან ჩამოიტანა უცხოეთში ერთი ბეწო მშობლი-  
ური მიწა, მას ის გულს ეკიდა ავგაროზად, ჩათქმული მისი  
ცოლის, ქართველი დედის მიერ: წაიყარე და თავი საქართვე-  
ლოში იგულეო.

შეხეთ, რა წინაგრძობა, რა წინდახედულება!

ჩვენ ვერ ჩავაკონებთ ქაქუცას ნაშთს მის წინაპართა სი-  
სხლით მორწყულ მთა-ველებს, სამაგიეროთ მის მიერ ჩამო-  
ტანილი მიწა წმინდა ფიცია, რომ დადგება დღე, როცა განთა-  
ვისუფლებული და მადლიერი ერი აუსრულებს ქართველ დე-  
დას, მის ნორჩ შვილებს მათ გულის ნადებს, და საქართველოს  
დროშა შარავანდედად აფრიალდება სამშობლოში დაბრუნე-  
ბულ მამულიშვილ ქაქუცას უკვდავ საფლავზედ.